

漢魏六朝百三家集


梁

江醴陵

第七十冊

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

71.70



玉璽刻集

江醴陵集

江醴陵集題詞

南史江文通任彥升王僧孺同傳三
人俱有長者行詩文新麗頓挫並一
時之傑也文通雜體三十首體貌前
哲欲兼關西鄴下河外江南總製羣
善興會高遠而深厚不如非其才絀

世限之也謝客兒擬魏太子鄴中集
詩八首評者謂其氣象不類下遜文
通亦意爲輕重非謝所服江詩擬臨
川遊山又似深知謝者蓋文通之學
華少於宋壯盛於齊及梁則爲老成
人矣身歷三朝辭該衆體恨別二賦

音制一變長短篇章能寫胸臆卽爲
文字亦詩騷之意居多余每私論江
任二子縱衡駢偶不受羈勒若使生
逢漢代奮其才果上可爲枚叔谷雲
次亦不失馮敬通孔北海而晚際江
左馳逐華采卓爾不羣誠有未盡世

猶傳文通暮年才退張載問錦郭璞
索筆則幾妬口矣

婁東張溥題

江醴陵集目錄

卷之一

賦

別賦

恨賦

泣賦

去故鄉賦

思北歸賦

哀千里賦

知己賦 有序

傷友人賦 有序

傷愛子賦 有序

麗色賦

水上神女賦

娼婦自悲賦 有序

赤虹賦 有序

四時賦

學梁王兔園賦 有序

丹砂可學賦 有序

江上之山賦

井賦

橫吹賦 有序

燈賦

扇上綵畫賦

空青賦

蓮華賦 有序

靈邱竹賦

青苔賦 有序

金燈草賦

翡翠賦

石劫賦 有序

詔

北伐詔

遣使巡行詔

立學詔

斷募士詔

慰勞雍州詔

賜赦交州詔

曲赦丹陽等四郡詔

大赦詔

王儉爲左僕射詔

王儉領太子詹事詔

王鎮軍爲中書令右光祿詔

張令爲太常領國子祭酒詔

爲何詹事拜吏部尚書詔

王撫軍爲安東吳興詔

王光祿爲征南湘州詔

柳僕射爲南兗州詔

王侍中爲南蠻校尉詔

王僕射加兵詔

褚侍中爲征北長史詔

封江冠軍等詔

蕭冠軍進號征虜詔

教

爲建平王聘隱逸敎

建平王赦五刑敎

爲蕭太傅東畊敎

爲蕭驃騎發徐州三五敎

爲蕭驃騎築新亭壘埋枯骸敎

表

拜中書郎謝表

拜正員外郎表

爲建平王慶明帝疾和禮上表

建平王慶安城王拜封表

建平王之南徐州刺史辭闕表

建平王讓右將軍荊州刺史表

爲蕭驃騎讓封第二表

爲蕭驃騎讓封第三表

爲蕭驃騎錄尚書事到省表

爲蕭驃騎讓豫司二州表

爲蕭驃騎上頓表

爲蕭驃騎謝慰勞表

爲蕭驃騎慶平賊表

爲蕭驃騎解嚴輸黃鉞表

爲蕭驃騎讓油幢表

爲蕭驃騎謝甲仗入殿表

爲蕭驃騎讓太尉增封第二表

爲蕭驃騎讓太尉增封第三表

爲蕭太尉上便宜表

爲蕭讓太傅揚州牧表

爲蕭重讓揚州表

江表
爲蕭三讓揚州表

爲蕭太傅謝侍中敦勸表

爲蕭重讓尚書敦勸表

爲蕭太傅謝追贈父祖表

爲蕭讓劔履殊禮表

爲蕭太傅讓前部羽葆鼓吹表

爲蕭太傅讓輿駕親幸表

謝開府辟召表

爲蕭上銅鐘芝草衆瑞表

爲蕭讓太傅相國齊公十郡九錫表

爲蕭讓九錫第二表

爲蕭讓謝百僚敦勸表

蕭相國讓進爵爲王表

爲蕭相國拜齊王表

爲齊王謝冕旒諸法物表

爲齊王讓禪表

章

爲建平王拜右衛將軍荊州刺史章

爲始安王拜征虜將軍南兖州刺史章

爲始安王拜征虜將軍丹陽尹章

爲建平王慶少帝登祚章

爲建平王慶王太后正位章

爲建平王慶江皇后正位章

爲蕭領軍拜侍中刺史章

爲蕭拜太尉揚州牧章

爲蕭拜相國齊公十郡九錫章

符

尚書符

卷二

奏記南徐州新安王

牋

到王簿日詣建平王牋

被黜爲吳興令辭建平王牋

到功曹參軍詣竟陵公子良牋

啓

爲建平王慶改號啓

爲建平王讓鎮南徐州刺史啓

爲建平王謝賜石硯等啓

爲建平王謝玉環刀等啓

爲蕭領軍讓司空并敦勸啓

爲蕭太尉子姪拜領軍江州兖州豫州

淮南黃門謝啓

上書

獄中上建平王書

書

與交友論隱書

報袁叔明書

敕爲朝賢答劉休範書

論

無爲論

頌

閩中草木頌十五首

有序

金荊

相思

豫章

栢櫚

杉

檉

楊梅

山桃

石榴

木蓮

石菖蒲

黃蓮

薯蕷

杜若

藿香

讚

銅劍讚

有序

雲山讚四首

有序

王太子

陰長生

白雲

秦女

詠

齊太祖高皇帝詠

傳

袁叔明傳

自序傳

墓銘

宋尚書左丞孫緬墓銘

宋安成王右常侍劉喬墓銘

宋光祿大夫孫夔墓銘

齊御史中丞孫詵墓銘

齊司徒右長史檀超墓銘

行狀

建平王太妃周氏行狀

祭文

蕭太傅東耕祝文

蕭驃騎祭石頭戰亡文

騷

遂古篇

雜詞

有序

構象臺

訪道經

鏡論語

悅曲池

愛遠山

應謝主簿騷體

劉僕射東山集學騷

山中楚辭五首

樂府

銅爵妓

採菱曲

齊籍田樂歌三首

迎送神升歌

饗神歌

牲出入歌

薦豆呈毛血歌辭

奏宣列之樂歌舞

齊鳳皇御書伎辭

詩

侍始安王石頭

從征虜始安王道中

從冠軍建平王登廬山香爐峰

從建平王遊紀南城

望荆山

步銅臺

秋至懷歸

渡西塞望江上諸山

赤亭渚

渡泉嶠出諸山之頂

僊陽亭

遊黃蘗山

還故園

劉僕射東山集

陸東海譙山集

無錫縣厯山集

外兵舅夜集

貽袁常侍

古意報袁功曹

寄邱三公

臥疾怨別劉長史

燈夜和殷長史

贈鍊丹法和殷長史

縱蕭驃騎新帝壘

惜晚春應劉秘書

秋夕納涼奉和刑獄舅

郊外望秋荅殷博士

冬盡難離和邱長史

池上酬劉記室

吳中禮石佛

採石上菖蒲

裸體三十首

有序

古離別

李都尉陵從軍

班婕妤詠扇

魏文帝曹丕遊宴

陳思王曹植贈友

劉文學植感遇

王侍中粲懷德

稽中散康言志

阮步兵籍詠懷

張司空華離情

潘黃門岳述哀

陸平原機羈宦

左記室思詠史

張黃門協苦雨

劉太尉琨傷辭

盧郎中謚感交

郭弘農璞遊仙

孫廷尉綽襍述

許徵君詢自叙

殷東陽仲文興矚

謝僕射混遊覽

陶徵君潛田居

謝臨川靈運遊山

顏特進延之侍宴

謝法曹惠連贈別

王徵君微養疾

袁太尉淑從駕

謝光祿莊郊遊

鮑參軍昭戎行

休上人怨別

學魏文帝

效阮公詩十五首

就謝主簿宿

無錫舅相送銜涕別

當春四韻同

左丞

咸春冰遙和謝中書二首

詠美人春遊

征怨

清思詩

傷內弟劉常侍

悼室人十首

附錄

本傳

江醴陵集目錄終

江醴陵集卷之一

梁 濟陽江 淹著

明 太倉張 溥閱

賦

別賦

黯、然、銷、魂、者、唯、別、而、已、矣、
况、秦、吳、今、絕、國、復、燕、
宋、今、千、里、或、春、苔、今、始、生、
乍、秋、風、今、暫、起、是以
行、子、腸、斷、百、感、悽、惻、
風、蕭、蕭、而、異、響、雲、
漫、漫、而、奇、色、
舟、凝、滯、於、水、濱、
車、逶、遲、於、山、側、
棹、容、與、而

詎前馬寒鳴而不息、掩金觴而誰御、橫玉柱而
沾軾、居人愁臥、恍若有亡、日下壁而沉彩、月上
軒而飛光、見紅蘭之受露、望青楸之罹霜、巡層
楹而空掩、撫錦幕以虛涼、知離夢之躑躅、意別
魂之飛揚、故別雖一緒、事乃萬族、至若龍馬銀
鞍、朱軒繡軸、帳飲東都、送客金谷、琴羽張兮簫
鼓陳、燕趙歌兮傷美人、珠與玉兮豔暮秋、羅與
綺兮嬌上春、驚駟馬之素沫、聳淵魚之赤鱗、造
分手而銜涕、咸寂寞而傷神、乃有劍客慙恩、少

年報士、韓國趙廁。吳宮燕市。割慈忍愛。離邦去里。漚泣共訣。刎血相視。驅征馬而不顧。見行塵之時起。方銜感於一劒。非買價於泉裏。金石震而色變。骨肉悲而心死。或乃邊郡未和。負羽從軍。遼水無極。鴈山叅雲。閨中風暖。陌上草薰。日出天而耀景。露下地而騰文。鏡朱塵之炤爛。襲青氣之烟煴。攀桃李兮不忍別。送愛子兮沾羅裙。至如一起絕國。詎相見期。視喬木兮故里。訣北梁兮永辭。顧左右兮魄動。視親賓兮淚滋。可

班荆兮增恨、唯樽酒兮敘悲、值秋鴈兮飛日、當
白露兮下時、怨復怨兮遠山曲、去復去兮長河
湄、又若君居淄右、妾家河陽、同瓊珮之晨照、共
金鑪之夕香、君結綬兮千里、惜瑤草之徒芳、慙
幽宮之琴瑟、晦高臺之流黃、春閨闕此青苔色、
秋帳含茲明月光、夏簟青兮晝不暮、冬釭凝兮
夜何長、織錦曲兮泣已盡、迴文詩兮影獨傷、儻
有華陰上士、服食還仙、術將妙而猶學、道已寂
而未傳、守丹竈而不顧、鍊金鼎而方堅、駕鶴上

漢驂鸞騰天暫遊萬里少別千年惟世間今重
別謝主人兮依然下有芍藥之詩佳人之歌桑
中衛女上宮陳娥春草碧色春水綠波送君南
浦傷如之何至乃秋露如珠秋月如珪明月白
露光陰往來與子之別思心徘徊是以別方不
定別理千名有別必怨有怨必盈使人意奪神
駭心折骨驚雖淵雲之墨妙嚴樂之筆精金閨
之諸彥蘭臺之羣英賦有凌雲之稱辨有雕龍
之聲詎能摹暫離之狀寫永訣之情者乎

恨賦

試望平原、蔓草縈骨、拱木歛魂、人生到此、天道
甯論、於是僕本恨人、心驚不已、直念古者、伏恨
而死、假如秦帝按劍、諸侯西馳、削平天下、同文
共規、華山爲城、紫淵爲池、雄圖旣溢、武力未畢、
方架黿鼉、以爲梁、巡海右、以送日、一旦魂斷、宮
車晚出、若廼趙王旣虜、遷於房陵、薄暮心動、昧
且神興、別豔姬與美女、喪金輿及玉乘、置酒欲
飲、悲來填膺、千秋萬歲、爲恨難勝、至如李君降

北名辱身冤。拔劍擊柱。弔影慙魂。情在上郡。心
留鴈門。裂帛繫書。誓還漢恩。朝露溘至。握手何
言。若夫明妃去時。仰天太息。紫臺稍遠。關山無
極。搖風忽起。白日西匿。隴鴈少飛。岱雲寡色。望
君王兮何期。終蕪絕兮異域。至乃敬通見抵。罷
歸田里。閉關却掃。塞門不仕。左對孺人。右顧稚
子。脫略公卿。跌宕文史。齋志沒地。長懷無已。及
夫中散下獄。神氣激揚。濁醪夕引。素琴晨張。秋
日蕭索。浮雲無光。鬱青霞之奇念。入修夜之不

賜。或有孤臣危涕，孽子墜心。遷客海上，流戍隴
陰。此人但聞悲風泊起，泣下沾襟。亦復含酸茹
歎，銷落煙沉。若乃騎疊迹，車屯軌。黃塵匝地，歌
吹四起。無不煙斷火絕，閉骨泉裏已矣哉。春草
暮兮，秋風驚。秋風罷兮，春草生。綺羅畢兮，池館
盡。琴瑟滅兮，丘壟平。自古皆有死，莫不飲恨而
吞聲。

泣賦

秋日之光流兮，以傷霧離披而殺草。風清泠而

繞堂視左右而不孺具衣冠而自涼默而登高
谷坐景山倚桐柏對石泉直眊百里處處秋煙
闌寂以思情緒留連江之永矣蓮欲紅南有喬
木葉以窮心蒙蒙兮恍惚魄漫漫兮鹵東詠河
兗之故俗眷徐揚之遺風眷徐揚兮阻關梁詠
河兗兮路未央道尺折而寸斷菟十逝而九傷
歎潺湲兮沫袖泣鳴咽兮染裳若夫景公齊山
荆卿燕市孟嘗聞琴馬遷廢史少卿悼躬夷甫
傷子皆泣緒如絲詎能仰眎鏡終古而若斯况

余輩情之所使哉

去故鄉賦

日色暮兮，隱吳山之丘墟。非風枿兮，絳花落流
水散兮，翠莖疎。愛桂枝而不見，悵浮雲之離居。
廼凌大壑，越滄淵，茫茫積水，淩淩斷山，窮陰匝
海，平蕪帶天。於是泣故關之已盡，傷故國之無
際。出汀州而解冠，入激浦而捐袂。聽蒹葭之蕭
瑟，知霜露之流滯。對江臯而自憂，弔海濱而傷
歲。撫尺書而無悅，倚樽酒而不持。去室宇而遠

客遵蘆葦以爲期，情嬋娟而未罷。愁爛漫而方
滋，切趙瑟以橫涕。吟燕筵而坐悲，少歌曰：芳洲
之草行欲暮，桂水之波不可渡。絕世獨立兮，報
君子之一顧。是時霜翦蕙兮，風摧芷。平原晚兮，
黃雲起。甯歸骨於松柏，不買名於城市。若濟河
無梁兮，沉此心於千里。重曰：江南之杜蘅兮，色
以陳。願使黃鵠兮，報佳人。橫羽觴而淹望，撫玉
琴兮何親。瞻層山而蔽日，流餘涕以沾巾。恐高
臺之易晏，與螻蟻而爲塵。

思北歸賦

伊小人之薄伎，奉君子而輸力。接河漢之雄木，
覽日月之英色。絕雲氣而厲響，負青天而撫翼。
德被命而不渝，恩滴身而無極。何規矩之守任，
信愚陋而不肖。混金碧之琳琅，慙丹牖之照曜。
樊天網而自，徒夜分而誰弔。遭大道之隆盛，
雖草木而勿履。誤銜造於遠國，出顛沛之願始。
去三輔之臺殿，辭五都之城市。惟江南兮邱墟，
遙萬里兮長蕪。帶封派兮比景，連雄虺兮蒼梧。

當青春而離散，方仲冬而遂徂。寒兼葭於余馬，傷霧露於農夫。跨金峰與翠巒，涉桂水與碧湍。雲清冷而多緒，風蕭條而無端。援之吟兮日光，迥狃之啼兮月色。寒窈烟霞之繚繞，具林石之噴舂。於是臨虹蜺以築室，鑿山楹以爲柱。上暘暘以臨月，下淫淫而愁雨。奔水潦於遠谷，汨木石於深巖。鷹隼戰而櫓巢，鼉鼉怖而穴處。若季冬之嚴月，風搖木而騷屑。玄雲合而爲凍，黃烟起而成雪。虎蹠蹠而歛步，蛟螭轔而失穴。至江

江籬兮始秀、或杜衡兮初滋、桂含香兮作葉、藕
生蓮兮吐絲、俯金波兮百丈、見碧沙兮來往、霧
蓋藍兮半出、雲雜錯兮飛上、石炤爛兮各色、峰
近遠兮異象、及迴風之搖蕙、天潭潭而下露、木
蕭梢而可哀、草林離而欲暮、夜燈光之寥迥、歷
隱憂而不去、心湯湯而誰告、魄寂寂而何語、情
枯槁而不反、神翻覆而亡據、夫以雄才不世之
主、猶儲精於沛鄉、奇略獨出之君、尚婉戀於樊
陽、潘去洛而掩涕、陸出吳而增傷、况非州之賤

士爲炎土之流人，共魍魎而相偶，與蠪蛸而爲
鄰，秋露下兮，點劒舄，青苔生兮，綴衣巾，步庭蕪
兮，多蒿棘，顧左右兮，絕親賓，憂而填骨，思兮，亂
神，願歸靈於上國，雖坎軻而不惜身。

哀千里賦

蕭蕭江陰兮，荆山之岑，北繞瑯琊，碣石南馳，九
疑桂林，山則異嶺，奇峰橫嶼，帶江雜樹，億尺紅
霞，萬里水則遠天相逼，浮雲共色，茫茫無底，溶
溶不測，其中險如孟門，豁若長河，參差巨石，從

橫龜鼉若乃夏后未鑿秦皇未闢
巖生岸迤邐成迹馳湍走浪漂沙
擊石伊孟冬之初立出首夏以歸
來自出國而辭友永懷慕而抱哀
竟終朝以三奪心一夜而九摧徒
望悲其何及銘此恨於黃埃於是
鴻鴈既鳴秋光亦窮水黯黯兮蓮
葉動山蒼蒼兮樹色紅思雲車兮
沅北望蜺裳兮澧東惜重華之已
沒念芳草之坐空既而悄愴成憂
憫默自憐信規行之未曠知矩步
之已難雖河北之爽塏猶橘柚之
不遷及年歲

之未晏願匡坐於霸山

知己賦

陳國之華者故吏部郎殷孚其人也博而能通
學無不覽雅賞文章尤愛奇逸雖志隱巖石而
名動京師矣才多深見氣有遠度雖安期千里
不能尚焉始於北府相值傾蓋無已僕乃得罪
嶠外遐路窈然始還舊都會君尋卒故爲茲賦
以寄深哀

順祗効寶瀆靈會昌時雨種祉山雲降祥承瑤

葉之餘暇、系金枝之末光、聳孤韻以風邁、騫逸
氣以烟翔、故學不常師、而心鏡羣籍、理不啓問、
而情炤諸密、採圖辨緯、遊璣訪厯、潛志百氏、沈
神六經、冥析義象、該洽性靈、儒不隱迹、墨無遁
形、旣含道潤、亦發才華、采耀秋月、文麗冬霞、有
體有豔、光國光家、識包上仁、義兼高行、如彼清
波、可挹可鏡、又象冲室、惟清惟淨、氣擬北海情
方中散、風流未輟、盛名猶纂、英馳芬激、譽流聲
滿、我筠心而松性、君金采而玉相、伊邂逅之未

遇爰契濶於朱方丹瓊譬而非寶綠蘭比而無
芳每賞矜其如契貴懷允而不忘亟閒席兮惆
悵屢緩帶而從容論十代兮興毀訪五都兮異
同談天理之開基辨人道之始終罄龍圖及鳳
書傾蒼冊與篆字儲西國之闕文採東京之逸
記閱歆向之舊旨闡鍾王之新意對楚漢之瞻
墨覽魏晉之鴻策校遠近之真假削古今之名
實每齊韻而等逕輒同懷而共術吐情志而深
賞忘年齒而隆眷擬余才兮前華比余文兮後

彥余結袂於山石，君憑神於寒霰。何遠期之未
從，痛哉景其如電。堂酒兮一塵，暮燈兮萬春。黛
草兮永秘，朱丹兮何晨。聞瑤質兮可變，知余采
兮一奪。唯華名與芳暉兮，爭日月而無沫。

傷友人賦

有序

僕之神交者，嘗有陳郡之袁炳焉。有逸才，有妙
賞，博學多聞，才明敏而識奇異。僕以爲天下絕
倫，黯與秋草同折，今不復見矣。旣而陳書有念
橫瑟無從，雖乏張范通靈之感，庶同嵇向篤徒。

之哀。乃爲辭曰

泣然沾衣。今悲袁友之英秀。系神緒而作氏肩。
靈枝而啓胃。轢四代而式昌。洎十葉而克茂。友
人之生。川岫降明。峻調迥韻。慧志聰情。倜儻遠
度。寂寥靈素。文攀淵卿。史類遷固。譬如冬雪。旣
潔。將似秋月至徹。乃上代而少雙。故叔世而曠
絕。吊蕙若之暫芳。慟琬琰之永闕。余旣好於斯
友。乃神交於一顧。邈疇年之縑繆。竊生平之遊
遇。旣遊遇。今可柔。乃協好。今并心。懷愛重於素。

璧結分珍於黃金、拾一代而笑淺訪古人而求、
深、故高術而共逕、豈異襲而同襟、爾挂情於霜、
栢、我發意於冬桂、擊千品之消散、鏡百侯之衰、
替、帶瑤玉而爭光、握隨珠而比麗、披圖兮炤籍、
抽經兮閱史、共檢兮雒書、同析兮河紀、旣思遊、
兮百說、亦窮精兮萬里、愛詩文之綺發、賞賦豔、
兮錦起、罄古今之寶賁、殫竹素之琛奇、信朝日、
之徒易、屬夜星之空移、覽秋實於鹵苑、摘春華、
於東池、蚤同歲於上京、未滿年於下國、爾湘水、

今深沉我前山今眇默惟音華與書酒伊楚越
今南北余結誼今梁門復從官今朱藩何人遙
而困阻而天道之匪存凋碧玉之神樹銷紫石
之靈根永遠書於江漣結深痛於爾魂魄繇昧
其若絕泣縈盈其若結玄妙賞之不留悼知音
之已逝金雖重而見鑄桂徒芳而被拆百年一
盡今貴揚糴於後烈

傷愛子賦

有序

江芄字屑卿僕之第二子也生而神俊必爲美

器惜哉邁閔涉歲而卒悲至躑躅乃爲此文

惟秋色之顥顥心結緡兮悲起曾憫憐之慘悽
痛掌珠之愛予形惻惻而外施心切切而內圯
日月可銷兮悼不滅金石可鑠兮念何已絕吾
祖之赫義帝高陽之玄冑惜衰宗之淪沒恐余
人之弗構覲三靈之降福竝弱子之擢秀酷奈
何兮脣卿那逢天兮不祐爾誕質於青春攝提
貞乎孟陬謂比方於右列望齊英於前修邁高
行之美迹弘盛業之清猷白露奄被此百草爾

同凋於梧楸憶朱明之在節顧岐嶷之可貴睨
鑪帳而多怙瞻戶牖而有慰奚在今之寂寞失
音容之髣髴姊目中而下泣兄嗟季而飲淚感
木石而變哀激左右而隕歔奪懷袖之深愛爾
母氏之麗人屑丹泣於下壤僚慙憂於上旻視
往端而擗慄踐遺緒而苦辛就深悼而誰弭歸
末命兮何陳我過幸於時私爰守官於江潯悲
薄暮而增甚思纁黃而不禁月接日而爲光霞
合雲而成陰霧籠籠而帶樹月蒼蒼而架林嗟

奈何兮弱子我百艱兮是尋、驗纖帶之夜緩、察
葆鬢之朝侵、惟人生之在世、恒歡寡而戚、饒雖
十紀之空名、豈百齡之能要、迅朱光之映夜、湛
白露之凝朝、指茲譬而取免、排此理以自銷、然
則生之樂兮親與愛、內與外兮長與稚、傷弱子
之冥冥、獨幽泉兮而永閔、余無愆於蒼祇、亦何
怨於厚地、信釋氏之靈果、歸三世之遠致、願同
升於淨刹、與塵習兮永棄、

麗色賦

楚臣旣放魂往江南弟子曰玉飾佩解驂濛濛
淥水裏裏青衫乃召巫史茲憂何止史曰臣野
膠學蔽理臣之所知獨有麗色之說耳夫絕世
獨立者信東方之佳人旣翠眉而瑤質亦盧瞳
而頰脣灑金花及珠履颯綺袂與錦紳色練練
而欲奪光炎炎其若神非氣象之可譬奚影響
而能親故仙藻靈豔金華玉儀其始見也若紅
蓮鏡池其少進也如絲雲出崖五光徘徊十色
陸離寶過珊瑚同樹價值瓊草共枝雖玉堂春

姬石室素女張烟霧於海際耀光景於河渚乘
天梁而皓蕩叶帝閭而延佇猶比之無色方之
非侶於是雕臺繡戶當衢橫術椒庭承月碧幌
延日架虬柱之嚴麗亘虹梁之峻密錦幔垂而
杳寂桂烟起而清溢女乃耀邯鄲之躡步媚北
里之鳴瑟若夫紅華舒春黃鳥飛時紺穗初嫩
蘋蘭始滋不擘蘅帶無倚桂旗摘芳拾藥含詠
吐辭笑月出於陳歌感蔓草於衛詩故氣炎日
永離明火中槿榮任露蓮華勝風後簷丹葵前

軒碧桐、笙歌、哢、右、琴、儻、池、東、嗟、靈、王、之、心、悅、怨、
漢、女、之、情、空、至、乃、西、陸、始、秋、白、道、月、弦、金、波、炤、
戶、玉、露、暖、天、網、絲、挂、牆、綵、螢、繞、梁、氣、已、濕、今、曉、
未、半、星、雖、流、今、夜、何、央、憶、雜、珮、今、且、一、歛、念、錦、
衾、今、以、九、傷、及、沍、陰、凋、時、冰、泉、凝、節、軒、疊、厚、霜、
庭、澄、積、雪、鳥、封、魚、歛、河、凝、海、結、紫、帷、鉛、匣、翠、屏、
環、合、麝、蜜、周、彰、燈、爐、重、沓、恥、新、臺、之、青、樓、想、上、
宮、之、邃、閣、若、乃、水、炤、景、而、見、底、烟、尋、風、而、無、極、
霧、出、吳、而、綺、章、雲、堆、趙、而、碧、色、露、辭、楚、而、容、裔、

風去燕而悽惻、莫不輟鏡徙倚、擘琴心息、於是
帳必藍田之寶、席必蒲陶之文、館圖明月、室畫
浮雲、春蠶度網、綺地應紡、秋梭鳴機、織爲褰衣、
象奩瓊盤、神瀝仙丹、雕柱彩瑟、九華六出、翠綈
羽鈿、綠秀金枝、故言必入媚、動必應、規有光、有
豔、如合如離、氣柔色靡、神凝骨竒、經周歷趙、旣
無其雙、尋楚訪蔡、不覲其容、亦可駐髮還質、驂
星馭龍、蠲憂忘死、保其家邦、非天下之至麗、孰
能預於此哉、宋大夫耀影汰迹、縈魂洒魄、賞以

雙珠，賜以合璧，拂巫盪祝，永爲上客。

水上神女賦

江上丈人，遊宦荆吳，首衛國，望燕途，歷秦關，出
宋都，遍覽下蔡之女，具悅淇上之姝，未有粉白
黛黑，鬼神之所無也。廼造南中，渡炎洲，逕玉礪，
越金流，路逶迤而無軌，野忽漭而渺儔，山反覆
而叅錯，水遶灌而縈薄，石五采而橫峰，雲千色
而承萼，日炯炯而舒光，雨屑屑而梢落，紫莖繞
逕，始參差，紅荷緣水，纔灼爍，忽而精飛視亂，意

徙心移綺靡菱蓋，悵望蕙枝，一麗女兮碧渚之
崖曖曖也，非雲非霧如烟如霞，諸光諸色，雜卉
雜華，的的也，象珪象璧，若虛若實，綾錦共文，瑤
貝合質，遂乃紅唇寫朱，真眉學月，美目豔起，秀
色爛發，窈窕暫見，偃蹇還沒，冶異絕俗，奇麗不
常，青琴羞豔，素女慙光，笑李后於漢主，恥西施
於越王，神翻覆而愉悅，志離合而感傷，女遂俯
整玉軼，仰肅金鑣，或採丹葉，或拾翠條，守明璣
而爲誓，解琅玕而相要，情乍合而還散，色半親

而復嬌聳駟車於水際，亭雲霓於山椒，奄人祇
之彷彿，共光氣而寂寥於時也。綵霞繞繞，卿雲
縵縵，石瓊文而翕施，山龍鱗而炤爛，苔緣根而
攢集，草紅葩而舒散，日炫晃以朧光，樹葳蕤而
葱榮，無西海之浩蕩，見若木之千尋，非丹山之
赫曦，聞琴瑟之空音，理洞徹於俗聽，物驚惟於
世心，恨精影之不滯，悼光晷之難惜，閱有無於
俄頃，驗變化於咫尺，視空同而失貌，察倏忽而
亡迹，野田田而虛翠，水湛湛而空碧，迺唱桂櫂，

凌衝波、背橘浦、向椒阿、硨磲木石、洪濛蛟鼉、顧
御僕而情饒、巡左右而怨多、弔石渚而一歎、悵
沙洲而少歌、苟懸天兮有命、永離決兮若何、妙
聲無形、奇色非質、麗於嬪嬙、精於琴瑟、尋漢女
而空佩、觀清角而無疋、嬪楊不足聞知、夔牙焉
能委悉、何如明月之忌、玄雲秋露之慙、白日愁
知形有之、留滯非英靈之所要術也

媚婦自悲賦

有序

漢有其錄而亡其文、泣蕙草之飄落、憐佳人之

埋幕廼爲辭焉

粵自趙東來舞漢宮瑤序金陳桂枝嬌風素壁
翠樓明月徒秋訶聲忽散傷人復愁君王更衣
露色未晞侍青鑾以雲聳夾丹輦以霞飛願南
山之無隙指壽陵以同歸俄而綠衣坐奪白華
卧進屑骨不憐鉉金誰恡九重已閉高門自蕪
青苔積兮銀閣澁網羅生兮玉梯虛度九冬而
廓處遥十秋以分居傷營魄之已盡畏松柏之
無餘歸故鄉之末光實夫君之晚滋去栢梁以

淹袂出桂苑而歛眉，視朱殿以再暮。撫巔華而
一疑，於是怨帝關之遂阻，悵平原之何極。霜繞
衣而葭冷，風飄輪而景曷。御思趙而不顧，馬懷
燕而未息。泣遠山之異峰，望浮雲之雜色。若使
明鏡前兮，碎孤鴈之錦翼。迺爲詩曰：曲臺歌未
徙，黃壤哭已親。玉玦歸無色，羅衣會成塵。驕才
雄力君何怨，徒念薄命之苦辛。

赤虹賦

有序

東南嶠外，爰有九石之山。乃紅壁十里，青萼百

仍苔滑臨水石險帶溪自非巫咸采藥群帝上
下者皆歛意焉於時夏蓮始舒春蓀未歇肅舫
波渚緩拽汀潭正逢巖崖相炤雨雲爛色俄而
雄虹赫然暈光耀水偃蹇山頂鳥夾江湄迫而
察之實雨日陰陽之氣信可觀也又憶昔登香
鑪峰上手接白雲今行九石下親弄絳蜺二奇
難并感而作賦曰

迤邐碕礧兮大極之連山
鰐鰭虎豹兮玉虺騰
軒孟夏氤氲兮荷葉承蓮
悵何意之容與兮冀

暫緩此憂年，失代上之異人。遲山中之虛迹，掇
仙草於危峰。鑄神丹於崩石，視鱸岫之吐翕。看
鼃梁之交積，於是紫霧上河絳。氛下漢，白日照
餘碧。雲卷半殘雨，蕭索光烟豔。爛水學金波，石
似瓊岸。錯龜鱗之陵陵，繞蛟色之漫漫。俄而赤
蜺電出，蚴蚪神驤。曖昧以變，依稀不常。非虛非
實，乍陰乍光。赭赫山頂，炤燎水陽。雖圖緯之有
載，曠代識而未逢。旣咨嗟而躑躅，聊周流而從
容。想番禺之廣野，憶丹山之喬峰。稟傳說之一

星乘夏后之兩龍，彼靈物之詎幾象火滅而山
紅，餘形可覽殘色未去，耀萎蕤而在草映青葱
而結樹，昏青苔於丹渚，暖朱草於石路，霞晃朗
而下飛，日通矚而上度，俯形命之窘局，哀時俗
之不固，定赤舄之易遺，乃鼎湖之可慕，旣以爲
駢鬻，四毳之駕方瞳，一角之人帝臺北荒之際，
弁山西海之濱，流沙之野析木之津，雲或恠綵
烟或異鱗，必雜虹蜺之氣，陰陽之神焉。

四時賦

北客長歎，深壁寂思，空牀連流，圭窬淹滯，網絲
蔽戶，青苔繞梁，春華虛豔，秋月徒光，臨飛鳥而
魂絕，視浮雲而意長，測代序而饒感，知四時之
足傷，若乃旭日始暖，蕙草可織，園桃紅點，流水
碧色，思舊都兮心斷，憐故人兮無極，至若炎雲
峰起，芳樹未移，澤蘭生坂，朱荷出池，憶上國之
綺樹，想金陵之蕙枝，若夫秋風一至，白露團團，
明月生波，螢火迎寒，眷庭中之梧桐，念機上之
羅紉，至於冬陰北邊，永夜不曉，平蕪際海，千里

飛鳥何嘗不夢帝城之阡陌憶故都之臺沼是以軫情動憂瑟涕落逐長夜而心殞隨白日而形削故秦人秦聲楚音楚奏聞歌更泣見悲已疚實由魂氣愴斷外物非救叅四時而皆難况僕人之未陋也

學梁王兔園賦

有序

或重古輕今者僕曰何爲其然哉無知音則已矣聊爲古賦以奮枚叔之製焉

碧山倚巘崎兮象海水碣石朝日晨霞兮艷紅

壁仰望沈寥兮數千尺，磴硬嶮岷汨漚成岫。谿
呀而窟竇，哮礧礧確，紫蕪并駁，苔點綺縠，若斷
若續，如此者百有十處。奔水激集，潏溟絜渠，潏
湟吐吸，跳波走浪，濺沫而相及，淵漾長驚，澆灌
遠注，無時息焉。青樹玉葉，彌望成林，亦有輪囷
礧碗，一枝百頃，萬葉共陰，縹草丹蘅，江離蔓荆，
酷郁交布，原滿隰平。於是金塘涵演，綠竹被坂，
繚繞青翠，近而復遠，白砂如積雪者焉，碧石如
圓玦者焉，水鳥駕鵝鷗，鴻鴈上飛，衡陽下宿。

沅漢十十五五忽合而復散乃有綺雲之館頽
霞之臺其樂足以棄國釋位遺死忘歸也若夫
墨翟商瞿之倫學兼師術才叅道真方駕連軫
于沼之濱乃射宿餌魴前繳鷦鷯青黏黃梁曜
鼈馘羹臠狔柘漿窮嬉極娛雲翔兮烟翔超然
左覽蒼梧右睨鄧林崩石梧岸嵎岫藏陰逮至
山頂丹壁四平靈木夾道神草列生俯瞰太一
下視流星旣投冠而棄劒亦抗魄而盪靈於是
大夫之徒稱詩而歸春陽始曉朱華未希卒逢

邯鄲之女，蕙色玉質，命知其麗，攢連映日，綺裳
下見，錦衣上出，雖復守禮，令人意失，遂謠曰：碧
玉作椀，銀爲盤，一刻一鏤，化雙鸞，乃報歌曰：美
人不見紫錦衾，黃泉應至何所禁，妃因別曰：見
上客兮心歷亂，送短詩兮懷長歎，中人望兮蠶
旣饑，蹊蹠暮兮思夜半。

丹砂可學賦

咸曰：金不可鑄，僕不信也，試爲此辭，精思云爾。
惟雲塲之少折，乃人逕之多憂，雖瑤笙及金瑟，

雜翠帳與丹幃，吞悲欣於得失，銜哀樂於春秋。
煥如星絕，黯如火滅，星絕難光，火滅可傷，故從
師而問道，冀幽路之或暘，測神宗之無緩，踐雲
極之不賒，信名山及石室，驗青瀕與丹砂，攜五
難之重滯，挈九仙之輕華，故抱魄寂處，凝神空
居，泯邈深晝，窈鬱重虛，覘炫燿而可見，聽沈寥
而有餘，於是乘河漢之光氣，騎列星之綵色，輟
陰陽於形有，傳變化於心識，浮恍惚而無涯，泛
靈恠而未極，架日月之精照，騫蛟龍之毛翼，遂

乃氣穆肅而神奔，骨窈窕而鬼恠，綴葳蕤而成冠，點雜錯而爲珮。出涸泣而遐驚，貫濛鴻而上厲。鳳之來兮蔽日，鸞之集兮爲群。左昆吾之炎景，右崦嵫之卿雲。爛七采之炤耀，漫五色之氤氲。非世俗之習見焉，鬼神之嘗聞。旣而暖碧臺之錯落，耀金宮之玲瓏。幻蓮華於繡闥，化蒲桃於錦屏。赭丹光而電烜，颺翠氛而杳冥。軒悄悄於長虹，階侘傺於奔鯨。惑龍宮之殿稱，迷切利之宮名。故靈偃蹇兮姣服，女嬋娟兮可觀。秀青

色之泯靡，燭美目之波瀾。襲日月之纂組，襲星宿之羅紈。百味酒兮，靈之集河。供鯉兮，靈之安却。交甫之玉質笑陳王之妙顏，所以樂精立於太乙，妙宮徵於清都。簫含聲而遠近，琴吐音而有無。奏神鼓於玉袂，舞靈衣於金裾。韻躑躅而易變，律參差而難圖。非南方之能擬，詎濮水之可摹。於是流瀣不一，遨曹無邊。娥眉旣散，鐘鼓都捐。乘綵霞於西海，駟行雨於丹淵。山差池而鏡、壑水、清明而抱天。山含玉以永歲，水藏珪以

窮年擬若木以寫意，拾瑤草而悠然。遂乃凝虛
歛一，守仙閉方。智寂術盡，魄兀心亡。白生不能
關其說，惠子無以挫其芒。源其耻市朝之失道，
疾讒嬖之不祥。却文綵之媯冶，去利劒之鏗鎗。
據生死於半氣，惜百年於一光。故以鑄金爲器，
丹砂爲漿。慙矣旣盡，妖怨當忘。吾師以爲可學，
而公子謂之不良歟。

江上之山賦

潺湲潏溶兮，楚水而吳江。刻劃嶄崿兮，雲山而

碧峰挂青羅兮萬仞豎丹石兮百重嵯峨兮崑崙
如斲兮如削、嵒嶷兮尖出、巖岍兮空鑿、浪潮
兮吐納、嶼峰兮積沓、鰐鰭兮赤尾、龜鼉兮匱匱
見紅草之交生、眺碧樹之四合、草自然而千花、
樹無情而百色、嗟世道之異茲、牽憂恚而來逼、
推爐炭於片景、抱絲緒於一息、每意遠而生短、
恒輪平而路仄、信懸天兮窮昧、豈繫命於才力、
既群龍之咸疑、焉衆狀之所極、俗逐事而變化、
心應物而迴旋、既歛翕其未悟、亦縷縷而已遷、

伊人壽兮幾何、譬流星之殞天、悵日暮兮吾有
念臨江上之斷山、雖不斂而無操、願從蘭芬與
玉堅、亂曰折芙蓉兮蔽日、冀以盪夫憂心、不共
愛此氣質何獨嗟乎景沉

井賦

穿重壤之手、仞兮構玉甃之百節、營之不日、旣
汲旣渫

橫吹賦

有序

驃騎公以劔卒十萬、禦荆人於外郊、鐵馬煩而

人聳色、綵旄耀而士銜威、軍容有橫吹、僕感而爲之賦云、

北陰之竹、分百尺而不見日、石磴礧而成象山、
沓合而爲一、雲逕逕而孤去、風時時而寒出、木
歛柯而攢抗、草騫葉而蕭瑟、故左崎嶇、右硎礧、
樹崑寧、水泓澄、鎮雄蛟及雌虺、颺獨鳴與單鷹、
白山顥、赤山赭、匝流沙、經西極、原陸窈、灌莽深、
人聲絕、馬迹沉、寂然四顧、增欷累吟、雖欲止而
不能禁、此竹方可爲器、迺出天下之英音、於是

帶以珉色、扣以瓊文、潤如沉水、華若浮雲、赤艸
紫駁、星含露分其聲也、則鞅鬱有意、摧萃不群、
迢迢衝山、崎曲抱津、縣羃順序、周流銜呂、故西
骨秦氣、悲憾如懟、北質燕聲、酸極無已、斷絕百
意、繚繞萬情、吟黃烟、及白草、泣虜軍、與漢兵、於
是海外之雲、處處而秋色、河中之鴈、一一而學
飛、素野黯以風暮、金天施以霜威、衣袂動兮霧
入冠、弓刀勁兮馬毛寒、五方軍兮出不及、雜色
騎兮往來還、旂如雲兮幟如星、山可動兮石可

銘功一豎今迹不奪魂旣英兮鬼亦靈奏此吹
兮有曲和歌盡而淚續重一命而若烟知半氣
之如燭美人戀而嬋媛壯夫去而躑躅故感魂
傷情獲賞彌倍妙器奇製見貴歷代所以韻起
西國響流東都浮江繞泗歷楚傳吳故函夏以
爲寶飾京闕以爲戎儲至于貝冑象弭之威織
文魚服之容鄞山錫刃耶溪銅鋒皆陸斷犀象
水斬蛟龍載雲旗之逶迤扈屯騎之溶溶啾寥
亮於前衡嘒陸離於後陣視眄眩而或近聽嘹

嘈而遠震奏白登之二曲起關山之一引吐哀
也則瓊瑕失綵銜樂也則鈇堊生潤採菱謝而
自罷綠水慙而不進代能識此聲者長滅淫而
何云

燈賦

淮南王信自華淫命綵女分餌丹砂而學鳳音
紫霞沒白日沉挂明燈散玄陰顧謂小山儒士
斯可賦乎於是泛瑟而言曰若大王之燈者銅
華金檠錯質鏤形碧爲雲氣玉爲僊靈雙婉百

枝艷帳充庭，炤錦地之文席。映繡柱之鴻筆，恣
靈修之浩盪。釋心疑而永平茲侯，服之誇詡。而
處士所莫營也。若庶人之燈者，非珠非銀，無藻
無縟。心不貴美，器窮於樸。是以露冷帷幔，風結
羅紈。螢光別桂，蛾命辭蘭。秋夜如歲，秋情如絲。
怨此愁抱，傷此秋期。必丹燈坐歎，欲說忘辭。至
夫霜封園橘，冰裂池蓀。雲雪無際，河海方昏。冬
膏旣凝，冬箭未度。悄連冬心，寂歷冬暮。亦復朱
燈空明，但爲傷故。乃知燈之爲寶，信可賦也。王

遂讚善澄意歛神屈原才華宋玉英人恨不得
與之同時結佩共紳今子凝章挺秀近出嘉賓
吐蘅吐蕙含瓊含珉推驂雕輦以愛國之有臣
焉

扇上綵畫賦

臨淄之雅女宋鄭之妙工織素麗於日月傳畫
明於綵虹洛陽之伎極江南之巧窮故飾以赤
野之玉文以紫山之金空青出峨嵋之陽雌黃
出嶓冢之陰丹石發王屋之岫碧髓挺青蛉之

岑粉則南陽鉛澤墨則上黨松心山乃嶄巖鬱
嵒路必巉嶙崎嶇馭龍所不遠至駕鳳未之前
素乃雜族以爲此扇爲君翳素女與玉琴玉琴
兮散聲素女兮弄情旻天兮舒縹暮雲兮含潁
窻中暖兮露始滴池上凝兮月又明玉琴兮珠
徽素女兮錦衣促織兮始鳴秋蛾兮載飛識桂
莖之就罷知蘭葉之行衰願解珮而捐珉捐黃
墟而先歸重曰碧臺寂兮無人蔓丹草與朱塵
度俄然而一代經半景若九春命幸得爲綵扇

今出入玉帶與綺紳

空青賦

夫赤瓊以炤燎爲光，碧石以蒔蕤爲色。咸見珍
於東國，並被貴於西極。況空青之麗寶，挺山海
之不測。其所處則峻巘層石，龜穴龍壁。素岸成
雲，頽砂如磧。外隱青苔，丹草內伏。玉枝瑪瑙，銅
鉛合生。礱確堅英，自非索嶮覓危。乘鸞履螭，倦
春厭黿。斲異鑄奇，能得廁於軒寓。按君子之光
儀，於是寫雲圖氣，學靈狀僊。寶波麗水，華峰豔

山陽谷之樹、崦嵫之泉、鹵海之草、炎州之烟、銀
臺之鳥、穆王之馬、都廣之國、番禺之埜、皆咫尺
之極、鏡見四荒、雲煙始出、日月旣張、若夫邃古
之世、汗漫窈微、惟此青墨、所以造之、至乃翠燦
軒室、葱鬱臺殿、雜蛟龍之文章、發麟鹿之炳綢、
騁神形於鐘簴、舒怪物與雷電、亦有曲帳畫屏、
素女綵扇、錦色穿鬱、綺質蔓衍、點拂濃薄、如隱
如見、山水萬象、丹青曲變、咸百溢之可珍、亦千
金而不賤、雖楚之夏姬、越之鹵施、趙妃燕后、秦

娥吳娃、溺愛靡意、魂飛心離、候青翳爲藻飾、方
艸紅華、與素儀冠衆寶、而獨立、信求之而無虧、

蓮華賦

余有蓮華一池、愛之如金、宇宙之麗、難息絕氣、
聊書竹素、儻不滅焉、

檢水陸之具品、閱山海之異名、珍爾秀之不定、
乃天地之精英、殖東國之流詠、出西極而擅名、
方翠羽而結葉、比碧石而爲莖、藥金光而絕色、
藕冰折而玉清、載紅蓮以吐秀、披絳華以舒英、

故香氛感俗、淑氣叅靈、躑躅人世、茵蔯祇冥、青
桂羞烈、沉水慙馨、於是生平澤陂、出乎江陰、見
綵霞之夕照、覲雕雲之晝臨、旣翕艷於洲漲、亦
映曖於川潯、奪夜月及熒光、掩朝日與艷火、出
金沙而延曜、被淥波而覃拖、冠百草而絕群、出
異類之衆駁、故僊聖傳圖、英隱流記、一爲道珍、
二爲世瑞、發青蓮於王宮、驗奇花於陸地、若其
江淡澤芬、則照電爍日、池光沼綠、則明璧洞室、
曜長洲而瓊文、映青崖而火質、或憑天淵之清

峭或殖疏圃之蒙密、故河北櫂歌之姝、江南採
菱之女、春水厲兮、楫潺湲、秋風駛兮、舟容與、著
縹菱兮、出波擘、緗蓮兮、映渚、迎佳人兮、北燕送
上客兮、南楚、知荷華之將晏、惜玉手之空佇、迺
爲謠曰、秋鴈度兮、芳草殘、琴柱急兮、江上寒、願
一見兮、道我意、千里遠兮、長路難、若其華實各
名、根葉異辭、旣號芙渠、亦曰澤芝、麗詠楚賦、艷
歌陳詩、非獨瑞草、爰兼上藥、味靈丹沙、氣驗青
朮、乃可棄劒海岫、龍舉雲嶺、畫臺殿兮、霞蔚圖

縑縞兮炳爍永含靈於洲渚長不絕兮川壑

靈邱竹賦

登崎嶇之碧巘入朱宮之玲瓏臨曲江之迴盪
望南山之蒼青鬱春華於石岸施夏彩於沙汀
遠亘紫林秘埜近匝玉苑禁垌於是綠筠繞岫
翠篁緜嶺叅差黛色陸離紺影上謐謐而留閒
下微微而停靖蒙朱霞之丹氣暖白日之素景
故非英非蘂非香非馥而珍跨僊草寶踰靈木
夾池水而檀欒繞園塘而櫛蠹旣間霜而無凋

亦中暑而增肅、每冠名於華戎、將擅奇於水陸、
況有朝雲之館、行雨之宮、窻崢嶸而綠色、戶踟
躕而臨空、綺疏散而停日、朱簾開而留風、被籥
簫之窈蔚、結篠蕩之溟濛、或產鳩鵲之右、或居
露寒之東、此皆金輿之所出入、瑤輦之所周通、

青苔賦

余鑿山楹爲室、有苔焉、意之所之、故爲是作云、
嗟青苔之依依、兮無色類而可方、必居閒而就
寂、以幽意之深傷、故其處石、則松栝交陰、泉雨

長注絕磻俯視崩壁仰顧悲凹嶮兮唯流水而
馳驚遂能崎屈上生班駁下布異人貴其貞精
道士悅其迥趣咀松屑以高想捧丹經而永慕
若其在水則鏡帶湖沼錦匝池林春塘秀色陽
鳥好音青郊未謝兮白日照路貫千里兮綠草
深迺生水而搖蕩遂出波而沉滢假青條兮總
翠借黃華兮舒金遊梁之客徒馬疲而不能去
兔園之女雖蠶饑而不自禁至於修臺廣廡幽
闔閒楹流黃以織琴瑟且鳴戶牖秘兮不可見

履袂動兮覺人聲、迺蕪階翠地、繞壁點墻、春禽
悲兮蘭莖紫、秋蟲吟兮蕙實黃、晝遙遙而不暮、
夜永永以空長、零露下兮在梧楸、有美一人兮
歎以傷、若迺崩隍、千仞毀冢、萬年當其志力雄
俊、才圖驕堅、錦衣被地、鞍馬耀天、淇上相送、江
南採蓮、妖童出鄭、美女生燕、而頓死豔氣於一
旦、埋玉玦於窮泉、寂兮如何、苔積網羅、視青縈
之杳杳、痛百代兮恨多、故其所詣必感、所感必
哀、哀以情起、感以怨來、魂慮斷絕、精念徘徊者、

也彼木蘭與豫章、旣中繩而獲天、及薜荔與薜
蕪、又懷芬而見表、至哉青苔之無用、吾孰知其
多少

金燈草賦

山華綺錯、陸葉錦名、金燈麗草、鑄氣含英、若其
碧莖凌露、玉根升霜、翠葉暮媚、紫榮晨光、非錦
芻之可學、詎瓊瑾之能方、迺御秋風之獨秀、值
秋露之餘芬、出萬枝而更明、冠衆蘂而不群、旣
豔溢於時暮、方炤麗於霜分、是以移馥蘭畹、徙

色曲池、軼長洲、今杜若、跨幽渚、今芳籬、映霞光、
而爍爍、懷風氣、而參差、故植君玉臺、生君椒室、
炎萼耀天、朱英亂日、永緒恨於君前、不遺風霜、
之蕭瑟、藉綺帳、與羅袿、信草木之願畢、

翡翠賦

彼二鳥之奇麗、生金洲、與炎山、映銅陵之素氣、
濯碧磴之紅泉、石錦質而入海、雲綺色而出天、
峰岑崒而蔽日、樹靜暝而臨泉、霞輕重而成彩、
煙尺寸而作緒、熱風翕而起濤、丹氣赫而爲暑、

對滂流之蛟龍，衝汶漻之霧雨。耀綠葉於冬岫，
鏡朱葉於寒渚。歛慧性及馴心，騫頰翼與青羽。
終絕命於虞人，充南琛於祕府。備寶帳之光儀，
登美女之麗飾。雜白玉以成文，揉紫金而爲色。
專妙絲於五都，擅精華於八極。傳貴質於竹素，
晦深聲於百億。嗟乎雞鶩以稻粱致憂，燕雀以
堂構貽愁。旣銜利之情近，又遁害之無由。今乃
依赧火之絕垠，出赤縣之絃州。遠人迹而獨立，
攄天倪而爲儔。竟同獲於河鴈，不俱恕於海鷗。

必性命今有當孰能合今可求

石劫賦

海人有食石劫一名紫蘆蚌蛤類也春而發華
有足異者戲書爲短賦

我海若之小臣具品色於滄溟旣鑪天而鑄物
亦翕化而染靈比文豹而無恤方珠蛤而自甯
冀湖濤之蔽迹願洲渚以淪形故其所巡左委
羽右窮髮日照水而東昇山出波而隱沒光避
伏而不耀智埋冥而難發何弱命之不禁遂永

至於天闕已矣哉請去海人之仄陋充公子之
嘉客儻委身於玉盤從風雨而可惜

詔

北伐詔

門下朕統歷馭政志包函夏庶愬文軌無思不
服而逃焉狡虜久爲邊虞及宋末不庭授策乖
律北州外淪威風內毀鑒彼隆替慨歎盈懷冕
旒濟河翦彼凶狄咸秩中岳望祀汾陰則聲教
罔矣猶以經綸惟始恩化甫洽勞民擾衆爲政
所重故方輟六師按經九伐今淮泗告驚羽書
馳聞醜羯妖燼送死北垂徵天人之數撫自來

之會無勞遠兵、剿撲爲易、蓋因茲大號、蕩其巢、
藪、可遣某官組甲十萬、鐵騎千馬、斜趣潁洛、衝、
其要津、某官某虎旅八萬、舳艫數千、沿淮長驅、
稜威青汴、某官某舟師五萬、直出淮淝、某官控、
江右之銳、絡驛繼進、某官某率羽林勁勇、爲水、
陸形援、某官某甲等並率義勇之衆、牙制犄角、
之機戎車戒路、事宜惣一、使持節都督南徐充、
二州諸軍事、後軍將軍南徐州刺史長沙王晃、
出次江都、爲衆軍節度、驍雄競奮、火烈風掃、尅、

定中原、肅清河洛、便可內外纂嚴、以時備辦

遣使巡行詔

門下昔明王馭世、巡嶽采政、睿后司朝、觀俗調
化、故生無鬱滯、物獲修通、釐風拯患、於茲爲急、
朕以輶薄昧于大道、因璿璣之厯、遵三德之運、
緬鑒前哲、寤寐永歎、思所以闢訪治蠹、詢求民
瘼、才寡務殷、若無津際、故以情深、危薄心疚、夙
夜矣、可普遣大使、分行四方、推賢薦能、問疾舉
滯、若其采野不闢、犴訟有虧、妨氓利害、擾黷政

經者具以奏聞如其讜言嘉話真士智才亦依
名騰上隨事均量務取厥中朕將親覽以弘遠
化

立學詔

門下夫膠庠之典彝倫攸先所以昭振才端啓
發性緒弘世字氓納之軌儀是故五禮之迹可
傳六樂之容不泯朕自膺厯受圖志闡經訓且
有司群寮奏議橫集以戎車屢警文教未敷思
樂辟雍永言多慨今關燧無虞時和歲稔遠邇

同風華夷慕義便可式遵前準修建數學精選
儒官廣延國胄

斷募士詔

門下詔募取將懸賞購士蓋出權宜非曰經制
頃者民罹氛藹世襲艱阻因時流故浸以成俗
斯風蕩而未還且滋長逋逸開罪山湖遂乃黥
刑不辱草竊無咎平政察治萌合甄革自今已
後可悉斷衆募

慰勞雍州詔

皇帝謝鎮軍甯蠻二府雍州文武士庶等夫忠
爲令德或感慨殺軀信實美行或殉義蹈節而
沈攸之小豎反覆稱逆西藩袁粲劉秉潛使相
扇遂擁據石頭竝圖廟社粲秉旣從王憲蒼黎
同慶攸之孤州蟻聚勢必燼滅刺史張敬義氣
雲騰秣馬星驅全羽十萬殄茲氛鯨曾不旋踵
彼州南陽白水將相遺風忠烈之士霜戈電發
但戎車暫動念原未甯冬寒卿皆無恙

賜赦交州詔

門下交部昔值時諛負海不朝因迷遂往歸欵
莫由今創制萬寓烟煴造物原刑四裔澤浹中
畿愍彼邊氓未均王化宣弘遠仁蕩以更始可
曲赦彼州統內咸同曠泰李叔獻一人卽撫南
上其股肱文武詳材選推并遣大使宣揚朝旨
曲赦丹陽等四郡詔

門下朕興言民瘼昧旦求政所以庶存簡惠緝
茲治道而玉燭未調祥風尚鬱京輔及三吳昔
歲水災秋登旣罕今茲厲疾罹患者多納隍之

欽定四庫全集
卷一百一十五
五
歎爲矜良深，可曲赦揚州所統丹陽、吳興、南徐、
州所統義興等四郡，其遭水尤劇之縣，自今年
以前，三調未克，而虛例已畢。官長局吏，應共備
償者，雖卽事爲愆，情在可亮。外詳所除，以弘優
澤。

大赦詔

門下朕思弘風教，而刑罔猶積。永言前烈，兢歎
載懷。今履端告始，羣后執贄，治洽樂郊，華夷同
泰。雖和慙擊石，采愧卿雲。然景業初基，義深恒

典慶動玄靈，歡溢都縣。憫彼幽黔，猶隔茲澤。思我兆民，共熙至化。

王儉爲左僕射詔

門下端貳樞秘，實惟國禎。緝典宣機，所寄時彥。尚書右僕射領吏部尚書南昌縣開國公儉，器懷明亮，風情峻遠。業積珪璋，才兼經緯。况乃節亮帷幄，譽敷端揆。升授之宜，蓋允具瞻。可左僕射。

王儉領太子詹事詔

門下管司東朝，歷代所重，自非國華，莫允斯任。侍中尚書左僕射南昌縣開國公儉，鑒識清贍，理懷秀澈，績亮朝端，譽敷僉議，贊業攸光，物聽斯緝，宜愬二官，以穆彝序。

王鎮軍爲中書令右光祿詔

門下綸言要密，歷選爲難，優秩崇顯，允在舊德。使持節都督江州豫州之新蔡晉熙二郡諸軍事，鎮南將軍江州刺史延之，業履冲約，秉情閑素，譽彰頻試，績著累朝，自居南服，徽庸赴舉，宜

升寵章管兼樞秘

張令爲太常領國子祭酒詔

門下庠議旣敷縉紳攸屬師氏之任宜歸儒素
散騎常侍中書令驍騎將軍揚州大中正緒器
識清簡理懷恬約譽洽朝聞聲緝民聽必能闡
揚玄宗式範胄子兼掌宗伯望實惟宜

爲何詹事拜吏部尚書詔

門下官人之職實難其選所以弼諧彝品謨明
庶績今思治惟急彌不可曠侍中太子詹事戡

業履修平、體識詳穩、自升宮闈、美譽咸聞、必能
無懈于位、爰茲流序、

王撫軍爲安東吳興詔

門下震澤殷與、撫馭須臾、都官尚書、撫軍潯陽
郡、開國公、敬則志幹貞烈、秉情開敏、忠勤之至
形乎出內、必能綏懷大邦、尅隆美政、可安東將
軍、吳興太守、

王光祿爲征南湘州詔

門下衡岳名區、荆湘奧壤、自頃凋弊、綏撫須賢、

侍中光祿大夫丹陽尹僧虔德履淹邃識局詳
正冲素之品朝望攸歸歷職之庸載懷僉聽往
任沅湘餘惠在民今宜重敷善政申此懿績

柳僕射爲南兗州詔

門下河兗衝要維扞中畿司牧之任宜詳其授
後將軍領軍新除尚書左僕射滎陽郡國公世
隆業體淹濟思情通敏功書王庠績彰累任必
能宣弘恩政威懷萬里雖哀疾毀頓而禮有權
奪

王侍中爲南蠻校尉詔

門下荆楚殷曠任重寄深毗佐之選非良勿授
侍中領秘書監驍騎將軍負秉心貞元志局開
亮績譽之美在公屢彰必能贊政南紀播惠西
夏

王僕射加兵詔

門下散騎常侍尚書左僕射太子詹事南昌縣
開國公儉忠款昭著任寄隆深旣光朝猷允屬
民聽宜增威飾以崇望實可加兵二百

褚侍中爲征北長史詔

門下蕃佐須才非良莫寄侍中領步兵校尉弼
識業清悟思懷淹暢出內之譽日聞其美宜炫
諧親屏以申茂績

封江冠軍等詔

門下締基緯業序功攸急開厯闡祚酬庸爲先
故以式藹曩書載炳前軌文仲等或誠亮艱危
効彰屯誠皆績幹兩宜勤圖兼立宜各分珪社
酬厥勞謚

蕭冠軍進號征虜詔

門下維翰之重實資名品使持節都督郢州司
州之義陽諸軍事冠軍將軍郢州刺史南昌縣
開國侯鸞體局弘濟器操端敏自蒞任夏首美
政殷流必能聿宣國化以庇人瘼宜崇顯秩允
茲聲望

教

爲建平王聘隱逸教

府州國綱紀夫。矯夏已沒。大道不行。雖周惠之
富。猶有漁潭之士。漢教之隆。亦見棲山之夫。迹
絕雲氣。意負青天。皆待絳螭驤首。翠虬來儀。是
以遺風獨扇。百代餘烈。激厲後生。斯乃王教之
助。古人之意焉。吾稅駕舊楚。憇乘汀潭。挹於陵
之操。想漢陰之高。而山川遐久。流風無沫。養志
數人。並未徵采。善操將棄。良用慨然。宜速詳舊

禮各遣繻招庶暢此幽襟以旌蓬蓽

建平王赦五刑教

府州國綱紀吾謬繼朝組廼班恩命重渥華蕃
踐寵懋旬永言政惠良攬清寐况舊楚地曠前
郢氓殷水帶枉渚山匝魯陽自頃田邑榛故封
井萊蕪財賦方屈犴獄實繁思所以厚風釐俗
變瑟改調自五歲刑已下未送臺者一皆原遣
文武彈坐亦悉復職主局依舊施散薄紓此懷

爲蕭太傅東畊教

三府二州綱紀夫寶農賤貨綵炤周滕巡畊去
販光炎漢錄故能業滋都野產殷絃縣吾任屬
弘寄思闡治源慮以晨感情以宵嘆今玄司調
氣青祗仨節陳旣柔服方秀電爍有期桐
萌無遠便當躬速紺耦道先列辟事均暫勞迹
在永豫可尅日備辦詳典施行

爲蕭驃騎發徐州三五教

州府綱紀沈攸之背慢靈極稽誅之日久矣况
稱兵江漢之上圖釁廟闕之下惡熾罪盈民靈

所絕朝廷以尅辰纂嚴令輿鳳駕吾任先貴近
義兼常慨挺刃投袂信見其時方當水斬龍蛟
陸斷犀兕雖烈士銜志壯夫投槩然雲羅旣舒
宜廣威防所統郡縣便普三五咸依舊格以赴
戎麾主者飛火施行

爲蕭驃騎築新亭壘埋枯骸教

府州綱紀夫汝南稱慈諒由掩骼廣漢流仁實
存殯朽近築製茲營崇壘浚塹古墟曩隧時有
湮移深松茂草或致刊薙憑軒動懷巡隍增愴

宜並爲收改、勿毀奠祀主局詳辨施行

江曾集

卷一

四

表

拜中書郎謝表

榮鬱兩臨。恩微交鏡。悄然孽寃。迺懼迺逝。臣聞
汝穎之金。或揚采於四豪。江淮之珠。已馳光於
七貴。皆聲不妄美。第豈虛立。未有伎慙湘輿。蒙
送目之賞。工謝絳輪。竊歸風之價。臣幼乏篆刻。
長睽圖史。智罕効官。志闕從政。方遽求振風。長
憂凌雨。不悟遭社鳴之屬。際河清之會。立雲素
霞。必駕蓬萊。白毳駢鱗。咸蒙解遂。仕通物任。官

登郎掾。此實耀靈之私照。而微臣之厚幸也。仰
惟皇衢大融。氣品呈觀。西傾棧山。東鯁航海。故
奇士端威。異人罄拆。皆相望北闕。待詔南宮。而
臣學無利博。文有忤害。廼黜褫頓屣。伏黃扉之
右。曳纓轉笏。居青瑱之前。訪德於姑射。聞道於
崆峒。伊臣之願。過爲信矣。昔望都才麗。爵之上
班。長岑聞靡。身終下秩。愚臣方古。悠然已泰。內
燭徘徊。眇不識屆。

拜正員外郎表

臣邁鄉遠迹由學未徒不瑩雕龍之采甯照玄
豹之飾自過被光私濫蒙恩幸屢度經冬亟移
春序皇緯如紐慙飛塵之効璿基方峻謝寒露
之勤故宜伏影軒間卷氣衡下猶蒙供事紫楹
奉役丹殿巡魄擎慨榮渥不晤震離徹邃阿景
洞幽復昇官清閨列版嚴闔敢識何算爰忝叔
則之仕菲質焉樹廼謬仲容之職猥枉青牒增
光空質心據未塵情慙洞戶伫首矯迹以銘以
奏。

爲建平王慶明帝疾和禮上表

臣聞慶動至立則昌衢敦序教孚上雲則紫寓
交泰故祈寒溽暑無以變其和沴火凝陰不能
徙其氣伏惟陛下至德遐穆實天縱聖仁鑄蒼
岳道括寰海故丹陵之君欵金泥而謝賢媯墟
之后眷龍圖而慚德頌聲蔽達歌思匝道而望
景暫虧輪光少曖玉牖違和金幌輟念百祠未
遑四嶽匪處吉蠲爲慶神御方休瑞廣文齡祥
深武日具惟涵教欣愉兼薦臣班戚奉慈實自

慶舞不勝悅豫之情

建平王慶安城王拜封表

麗采繩河、映萼璿圃、淑問夙孚、令儀早晰、撰告
候辰、昭膺輝序、國維富禮、皇塗凝衛、具生屬慶、
懷識戴躍、臣涵悅楚邊、魂馳關闕、不任下情、

建平王之南徐州刺史辭闕表

臣過承寵靈、閑點暇日、徒抱皇慈、無充橫草而
品第廼崇、軒服逾峻、顧茲醜躬、彌覲荒昧、今便
奉官外甸、卷迹徐山、託慕宸嚴、載惟感戀、哀疾

不獲詣闕不任窮鯁之情

建平王讓右將軍荊州刺史表

茂寵廼臨炫奪彝典巡恩鏡飾攪情震慮臣聞
該秩詔序匪賢莫能孚其職端維裂陝非功無
或濫其選所以輪鞅國典締結民紐五威咸平
四精或訓者也臣踐行迷方試業敝緒徒以綴
采宗莒承渥帝席執圭戴筆亟荷出內至乃曳
組河縣茂馴羽之化鳴環京轂謝擇鱗之政聲
績兩無風化雙缺而龜紐未別璽書頻降復改

冊湘區。分瑞衡服。竟無賈琮。交部之廉。終乏郭
伋。并壤之信。固以雜沓。民明。湫隘身諷。不悟皇
靈再輝。河海重渥。遂踰恒采。妄賁異等。荆門務
要。方城任積。水交沅澧。山通岷峨。襟帶百縣。縈
抱七州。上德懋勲。勘居斯地。甯臣膠固。所宜膺
荷。是以焦薄。覓色驚迫。心影謹刷。睿情置露。弱
志伏願。陛下停旒弛珥。暫炤瑱曲。則鑄才式弘。
練物惟遠。王度旣清。蒙識以泰。不勝慙懔。屏營
之情。

爲蕭驃騎讓封第二表

臣某言、寫慙、愚丹、已續前表、猥降前詔、未垂鏡
恕、一省驚慙、再悸、竊庶靜躬、自察、啓居匪地、臣
聞日薄星迴、昊天無以爽其節、山盈川冲、厚地
不能虧其度、豈不靈鑄有限、神極無爽、况世道
恒淪、人彛、剽奪、數滿必浚、虛飾小故、亂大臣才
非古賢、任鈞左戚、祚開山河、兼金疊組、爵侈常
班、寵溢前達、以榮以渥、且慙且覲、雖嘉銘鼎之
恭、更懼循墟之速、矧乃三司業貴、上將地崇、愆

錄務廣、河汾寄深、珪寓方啓、劒衛增肅。旣驚朝
野、足震城邑、殷周富士、猶難其人。漢魏多才、亦
罕兼職。且麟閣之臣、尚有位不及鉉、全器之侯
猶或任不並台。名爵無假、前世之雄規、車旗勿
濫、中葉之英軌、况鴻誥鬱集、懋冊頓萃、諒非虛
薄、輕所膺符。今殷夏旣聲、封國式固、故天地燁
耀、日月更輝、陛下停若鏡之明、流如雲之愛、方
求士於版巖、宜思賢於屠肆、而私臣以闡廟、寵
臣以帷鼎、位兼文武、職惣內外、非所以發夢渭、

濱儲精河藪鐫金刻石既不可詮輿歌里誦其
謂臣何仰緣大道方行蒼祇宅氣威靈所燭九
功咸詠甯於庸臣獨隔恩耀誓守愚衷重扣雲
日如蒙恩宥實生之幸不任慊欵之誠

爲蕭驃騎讓封第三表

臣某言臣再抽慊請辭爲理屈側守圭漏伏望
哀鑑而宸緯嚴秘襟悰徒懸優獎之降非復常
旨肅奉驚懷曠曉如失臣炤冊訪古誦史稽昔
以爲敷道之寄管物成務惣錄之重匡績毗風

莫不下協河岳上踵光緯先王所以長世後睿
所以字民纘金圖之要輔樞厯之機者也臣本
瑣姿不慕聞達昔值英世頻遘時來感激光私
未能自返烏可超乘厚任妄據高圖天道旣平
鬼神好謙臣亦何人而獨斯處所以不恤色忤
頻犯鴻威者正以方圓之景已滿丹彩之色難
加政能緯俗匪務傍職坐而燮道必在其人若
臣武未屬橐鞬之分文不藹樽俎之間德非時
秀道乖物宗虛飾疲伍空貽上位則天變彰於

飛流地。肯見于震壓。驚蕩民聽。蕪沮物議。綸言之出不追。金石之謬已遠。豈唯敗錦傷經。毀鼎覆餗而已哉。自非西京上績。東都名勲。河右群賢。江左諸彦。甯羽誣叨天爵。以爲已功者也。昔南楚偏君。鄢郢小政。執珪柱國。尚不輕授。况車軌共文。四溟同宅。而以鄙蔽。超居金鉉。殊任鬱起。臣心憂魄悚。視丹如綠。伏願陛下暫停冕纁。少察愚實。鑒臣醜情。愍臣孤志。廣天下之惠。可匹夫之諒。則國步永清。門下永無謬悞。不任憂

駭之情。

爲蕭驃騎錄尚書事到省表

臣某言臣自妄蒙異寵輕荷殊爵晝昃猶聳夜
艾方驚誠以設器瑤陛取監冲滿懸魄金波徵
驗虧闕茲乃天數去盈人經好退后所以裁成
萬品下所以各慎百司未有違才易貫克負永
業者也且量力之誥實炯前書辭科之誨且昭
昔牒况臣徒竭弱質忠貞未對猶叨今恩山岳
非重故慙屬交喪頻煩表疏必謂巡崖之慊不

忽俟河之清可期。不悟皇明神邈鴻獎彌深。雖
守丹愚。競絕蠲恕。今輒耀纓上序。鏘珮中軒。德
輕施重。左右生華。志盡輸謝。終愧報効。不任下
情。

爲蕭驃騎讓豫司二州表

臣某言。臣傾心駐氣。不蒙睿感。憂讐交鏡。中寐
再驚。臣聞國厯惟燿。則藩伯緝其才。朝緯伊序。
則方率司其度。用能璿紐。弗虧民教。可變者也。
臣自少器業。無聞弘大。誤變燕鼎。超憑吳舟。託

翰負組。假翼要瓊質。圖玄素。文寫青艘。爵富諸
公。任高群彥。銓梁旣失。輻誦所湊。雖仄影毗道。
徇身贊德。朝微不昭。民聽具溢。豈非性力知限。
鑒度有崖。乘茲而處。猶懼紊辱之恥。况此以任。
何堪湧溢之賜。且董督條興。皆非盛古。至乃河
襄初授。或體兼上才。江表廣任。或功爲物首。臣
績陋於國。不勤睿朝。寵集若是。非所克取。終抱
寸襟。重露愚見。伏願天鑄廣裁。地靈厚載。特垂
蠲渥。使不矜盈。則藿質蓬性。庶無矯奪。不任匪

江酉陽集
卷一
晏之情

爲蕭驃騎上頓表

臣某言伏見明詔鑾輿便御親六師臣又謬忽
群帥竊聞金火告燿昏明代卷雲電漑湊經綸
相襲所以草昧縣寓昭晰區宙况乃逆徒阻兵
器掩西服雖蟻衆鼠竊勢必褫散然尋仍難貸
原煙易滅臣受算內楹稜威外閫按甲視夕沾
襟待旦翦此凶渠庶匪曠旬但遂玉輅躬臨雲
蹕親駕悚慨交心實百常憤今便嚴率所統尅

此月二十六日出次戎郊，故已望江源以軫歎。想荆山而增厲矣。進止之宜，更聽勅旨，不任悚企匪甯之心。

爲蕭驃騎謝慰勞表

臣某言。卽日侍中秘書監臣戢至奉宣詔旨慰勞。便受轂中帷練甲外壘，旌旄蔽景，輿徒競氣，人懷秋嚴，士蓄霜斷。晦菟已掩，氛豎未懸。稽鉞於威，寢興震慨。今玉人臨郊，皇華降庭，輝耀望實，將激威武，戴鶚之夫。迎光蹀恩，投石之師。攀

炤竦惠。楚續越醪。方茲慙潤。臣忝屬聞私。彌抱
渥洽。不任下情。

爲蕭驃騎慶平賊表

臣某言。狂賊沈攸之。棄天犯紀。毀禮滅緯。外陵
南畿。內曩西夏。稟血涵氣。咸百讎憤。賴皇威遐
制。璿圖廣馭。四海競順。其會如林。仰綴宗稷之
靈。俯輯士民之効。故嚴勅裁交。妖鋒折首。凱期
旣屆。樂飲在晨。斯乃紫厯方永。蒼氓同慶。臣備
符寵私。時深抃舞。不任踴躍之情。

爲蕭驃騎解嚴輸黃鉞表

臣某言逆沴電熾、凶妖霧舒、志大禪天、情已類社。故乃馳羽江郊、驚燧山甸、雖藏智審其黥戮、涵識判其奔沮、然兵扈難輕、義險宜備、故膺寵無辭、奉鉞不讓。今元凶旣殪、醜徒自紊、朝靄方卷、郅氛已廓。樂瑄登肆、禮衣曳朝、不宜復假殊服。取缺彝則、輒上還王府、永戢祕館。

爲蕭驃騎讓油幢表

臣某言奉詔賜車一乘、竊以國容方穆、旗章式

序朝禮永清。儀服咸貫。故象革建鑣。尚炯周圍。
朱箱立蓋。猶炤漢篆。皆旌羽勿差。功庸匪濫。臣
忝爵山重。蒙榮海深。襲恩祇冊。已慙初筮。浮祿
素位。方疚心路。鑒古以惕。巡世罔然。不宜假文。
丹幘。空飾阜輶。仰思至道。俯恤物僭。伏願聖遠。
特停華渚。書愚上請。追深累懼。不任下情。

爲蕭驃騎謝甲仗入殿表

臣某言。臣卽日被勅。賜給甲仗五十人。入禁儀
武殿。飾冠疇典。局荷此盛恩。五情銘載。臣聞國

之利器。在祀與戎。蘭綺之設。實允儲方。故官騎
辰居。羽林天部。瞰城龍塞。言伏鬼方。臣股肱之
力。不足以染丹青。橫草之勤。甯可以鏤金石。而
魚服象弭。一旦虛授。誕錫金珪。方茲爲絢。黃河
如帶。比今非賞。故異寵之襲。心魄共驚。不世之
服。蒼祗同灼。雖攀靈河。漢駿奔明哲。慙迹駭衷。
無情以處。

爲蕭驃騎讓太尉增封第二表

臣某言以鉉司崇貴。袞位淵嚴。非德非功。無忝

無溢故誓魂肆請舒哀仰謁不能曲流慈炤遂
乃徒洽恩獎周覽未交靈爽以懼臣歷古汾圖
循遠訪繪未嘗不麗選袞台妙簡槐采者也魯
鄭之賢戚曹蕭之勲彥吳鄧之盛功王鍾之素
業孔明之居蜀茂弘之在晉僉曰伊人是以處
無懦色臣官逢昌世運漸時明頻煩紫泥綢繆
璿命身薄施厚感厲愈深遂負機繩之託猥集
衡梁之任風軌不樹徽猷罕宣無以式翦寇兆
載弭姦萌致虹沴阻於上京蜺妖扇於下國實

賴藩伯鞠旅。侯甸入守。攬捨旬始。煙祛霧卷。故
皇道威稜之由。神緯昭昌之効。臣豈有探賈察
幽之智。攻城野戰之力哉。今迹無小功。事貽大
賞。愧寤終朝。慙夢流夜。咨此庸弱。何以任忝。伏
惟淮泗猶梗。趙魏未賓。中原久蕪。神州方翳。思
樂盛猷。願厲聲頌。將陪雲驂。以非狩。扈朝服以
濟師。乃爲少雪庸誠。微謝天眷耳。甯容遽竊茂
爵。輕頒鴻名者乎。伏願聖渥遐覃。賜以矜宥。需
焉垂仁。穆然惠德。血祈旦亮。慊志夕滿。雖蹈疵

戾猶深抃躍、

爲蕭驃騎讓太尉增封第三表

臣某言撰心求私。精衷請亮。情不感神。理無動天。詔飾旣降。辭表是絕。朱紱方臻。金鉉未宥。魄慮再馳。詵然改席。臣局志久戰。淺槩已領。具煩寸管。備黷尺史。曠旬浹景。祈指遂宜。猶謂設品分職。實以仰銓璧緯。列寵縣榮。故乃俯酌瑤陛。迹聯盈缺。道協興降。上睿所以僉舉。前英所以詳能。今若第隨私貴。爵與私富。紊蕩邦經。斷折

民紀。豈可還風中葉。逖聽遐代者也。臣才乏往
賢。績謝古烈。妖鋒孽火。將炎天地。幸郊甸或靜。
江山以閱文。軒華劍旣榮。旣峻侯封。桂食又盈。
又滿祿高。誚厚任重。責深弱節。兼誠誓思。不淺。
伏願隆慈。特垂明愍。臣奉國猶家。慮公若私。秉
軸之鈞。心希在治。不任懇懇之情。

爲蕭太尉上便宜表

臣公言。臣聞經邦緯治。去華爲急。體國字民。循
素乃安。聖誥遺風。具騰丹冊。賢言流沫。備宣青

史何嘗不翦削浮奢。銷遺文繪。然後頌音載興。
澤洽式廣。楚駕百馬。民雜國彫。秦修萬騎。教亡
業墜。刻桶丹楹。禮有嘗序。朱轡皂蓋。古無濫秩。
縹衣綸綬。漢置前制。奇服怪物。周設常刑。皆節
俗約訓。反樸還風。肅政黎心。釐一民志。故禮奢
甯儉。宣尼之高風。以義止利。孟軻之宏規。若乃
文彩利劍。道鑒其元。雕蟲篆刻。世炤其淺。雖儒
墨異學。名法各治。至於遵本捨末。其槩一也。故
荀韓之立典。管晏之制書。賈陸之鴻筆。嚴徐之

博辭食貨興志。鹽鐵生論。莫不異說而同儉。乖
議而共治。然世淪物起。道缺事遷。蓋源起西秦。
波被東漢。一魏不變。二晉未革。所從來者遠矣。
洎高祖武皇帝業高縣寓。化格區宙。菲躬謙度。
方追重華。納麓之勤。約情撝操。乃取文命卑宮
之義。去金錦之巧。無帷帳之飾。唯修遠圖。綏國
之術。祈勸力耕。濟世之規。是以政平刑偃。紫階
斯廓。太祖文皇帝恭已明臺之上。聽政衢室之
下。九官咸靜。萬績惟凝。亦復務抑華詡。思裁多

太輿馬翠翟之麗。眇登乎外禁。瑤碧綺組之玩。
罕設於內宮。故大德立而五路謐。鴻名建而四
民甯者也。自項政教日替。敦教月虧。誰惟歷稔。
亦曰淹紀。至乃帝臺傾海外之寶。王城盡天下
之秘。象席珠履。一躡而卽收。鏤琴絳瑟。再撫而
已損。褰衣隨塵而罷。羅袂從風而棄。百民染其
聲奢。萬姓被其馳蕩。故闐闐之里。富者竊梁楚
之乘。伎巧之家。豪者襲王公之服。於是有文靡
虛麗。驕邪不典之器。精纖空飾。妙蠱非常之玩。

農夫勤耨，不充浮伎之資。蠶女務織，無給黠刻之費。將恐去實就華，未知所屈。背源從流，不識其止。求國富兵強，甯可得乎。今江南所宅，止漢魏兩州之地。戶口所檢，裁文景三郡之民。舊齊故魯，鞠爲茂草。全趙盛魏，豺狼所嗥。陛下欲鳴鑾中土，朝服濟河，不改斯術，則未見其可也。臣謬屬大任，竊同憂泰。日晏宵分，實忘饑寢。草治其莠，職此爲先。輒具條便宜，可以安邦利民者，事事如右，率以聞見，謹簡聖聽。若其咸允，謹

請勅付外施行

爲蕭讓太傅揚州牧表

崇絕之寵、降自白日、殊甚之禮、墜於青雲、祇畏、
驗盛、若奪魂、鑒巡席、無容當軒、改色、臣聞天地
之大德曰生、聖人之大寶曰位、將以啓廓靈緯、
崇樹神紀、百司備列、貴賤之分、旣炳、九官咸贊、
升降之際、可明、故皇極不爽、國步斯泰、雖金燭
各政、姬華異治、未有革序變倫、而能流英發耀、
者也、臣才慙右賢、功愧上烈、平趙夷魏之氣、無

宣於國書。濟河登山之威。未亮於左史。旣罕龍
韜金匱之効。又乏楹間帷中之績。衛主甯謂提
橫流。匡危不足生細民。故小節時顯於艱難。大
勲無紀乎廊廟。而乘輅服冕。荷蕭張之賞。開城
裂域。受曹鄧之爵。不能翊教。緝政。釐濟氓隱。贊
邦弘化。飾整朝輝。是以德少寵多。與人立規。才
薄位厚。處士興議。故玉燭未調。道治猶鬱者。臣
之爲媿也。不悟陛下復停日月之華。凝煙露之
潤。擢臣瑣姿。鑒臣陋誠。前恩未曠。後寵已襲。上

公祕鉞。聲振都鄙。文劒雕易。禮殊軒殿。深褒之
逮。方今爲絕大賚之降。比古爲超。臣亦何功。當
處斯忝。復願道邈先帝。理鏡衆寂。被氣順方。涵
生獲慶。特輟策書。時停鴻冊。則人歌僉平。物抱
至歡。

爲蕭重讓揚州表

臣某言。臣以功狹賞峻。世誥所譏。才弱寵隆。道
經所諱。故寫覓誓膽。庶留天矚。圖驕慮滿。護守
私吝。不能青蘋引風。陽燧要景。復降綸冊。徽采

兼明。影迹交戰。水煙相薄。竊聞周夏異章。玄素各禮。儒道二宗。名墨兩教。咸以裕俗爲急。僉以得人爲寶。於是尊宮上品。乃貽玉振之賢。鴻等懋列。爲取金聲之彥。或有濟世夷難之略。輝耀內區。導江疏山之勤。纏結中寓。深德衍溢。大功振驚。然後超居國右。鬱處朝端。故九職惟宣。六典式序。丹青所以傳其藹。磬管所以揚其音也。臣才蔽識淺。非集譽於鄉曲。榮降寵臻。乃假翼於皇極。遂事等話言之寄。任鈞負圖之重。職惣

表裏地聯機務。位班昔良。知闕前脩。居官不聞
其風。處秩焉見其政。寰域之治未緝。街縣之訟
方興。繒販之士無薦。管庫之家寂寞。四維不聞
五教罕敷。安可以底慎財賦。交正庶士者也。今
輟和毗道。仄身贊業。尚據晦曉。獲毗璇圖。況異
禮更飾。衰命復崇。名超列辟。爵擬羣后。上仁居
之。猶涵慙德。臣實空儒。伊何以勝。旣誣人文。將
黷玄緯。凌厯飛流之眚。懼失正和。晦裂蜺霧之
災。且濫世物。臣是以寤寐永歎。憂國慮私者也。

伏聞陛下裁天賦品。制地平施。使曠世之典。不
遂臻於末躬。迥代之軌。無頓被於茲日。素心丹
魄。皦然靡疚矣。不任憂迫之情。

爲蕭三讓揚州表

臣公言臣再辭非謙。重讓靡飾。實以爵高中世。
歷古所難。寵冠上台。縣代誰易。詳圖辨箴。如鏡
如水。檢崖覽志。匪雕匪文。蒐祈夢請。駐心挂氣。
陛下猶降以璽書之榮。被以丹碧之采。頓然變
容。一慮九逝。臣以爲寒暑繇乎平分。晦明驗乎

天道咎譽起於微薄。得吝生於小疵。故金衡旣
陳。錯髮之異必縣。銅墨咸設。分撮之殊已傾。聖
哲不能爽。鬼神莫由避。况臣鄙樛早盈。陋才久
溢。第超庶后。禮絕羣班。仰贊東序之賓。平參北
宮之政。窮盈極滿。於斯爲甚。鑒茲隆替。淵冰非
譬。所以坐洞房而不悟。下輕帷而嘆息也。古之
馭教。當有道焉。量能而受賞。撰智而錫位。深乃
裂組。遠故分珪。前人以爲稱首。昔賢以爲美詠。
自非上德。橫乎天地。高績格于區宇。烈譽馥於

一時茂名鬱乎當世者。豈有降今日而莫先哉。
臣爰蒙殊寄。六稔遂交。及荷愍任。二燿忽周。未
能塞謗。生民獲免。僮訟何盛。勲之足題。詎深烈
之可銘乎。而因委忝濫。踰溢倫等。朱軒躍馬。光
出電入。貂冠紫綬。寵靄霞炤。臣聞闔宗奉國。猶
非報殉。方將身侍鑾華。雪齊魯之侵地。手執羈
綫。驚燕趙之遠郊。然後追迹范張。濯纓汾射。臣
勒志也。華爵盛典。非所敢壺。伏炤古巡。將流聖
察。無使匹槩血誠。不諒於璿宸宏芬英猷。遂蕪

於里聽。豈伊庸臣。獨蒙其庇。亦曰海隅。咸被其利焉。

爲蕭太傅謝侍中敦勸表

臣公言即日侍中臣惠基給事黃門侍郎臣僧珍至朱蓋乘雲玄軒肅霧。墜高天之旨。集微臣之軀。神爽矍然。歛影無地。臣初長血心。未啓素縑。辭從意空。言隨事盡。不能降陛下一時之恩。借俄頃之炤。遂枉近侍。貂簪軾庭。臣自亮無庸。何以集此。退咎慊誠。悲枉垂光。進戒朝訓。虧茲

盛序。感慮躑躅。榮結夢寐。臣檢古少例。巡令逾
疑。豈有妄叨天功。虛竊上賞。近謬國華。坐取隆
貴。人見其過。外惜皇猷。內畏私膏。昔西京鼎秩
漢世。權家丹墀網戶。擊鐘連騎。何嘗不以驕滿
貽戾。謙冲要福者哉。臣不能遵煙洲而謝支伯。
迎雲山而揖許由。激昂榮華之間。沈潛珪組之
內。光飾旣超。寵靈亦遠。江左已來。罕見其倫。今
位冠朝端。通侯萬戶。結象弭於前衡。奏金管於
後陣。都野宗其榮盛。視聽驚其炎貴。臣一旦居

之誰以爲不忝者乎。而陛下猶崇以異禮者。是增臣之戾也。况復肅延華勸。實深窘迫。伏願俯矜單志。賜遂前請。則世寢橫議。臣蒙緩責。

爲蕭重讓尚書敦勸表

臣公言。臣五寫丹翹。宜蒙凝炤。一降王人。遂無蠲察。復遣尚書臣岱兼侍中。臣負等奉宣慈靈。重賜勉誨。鏡伏廻環。惛默失圖。心魄交懷。淵谷匪譬。臣自初被詔。迄于今時。載慙載疑。以悚以厲。豈非深懼鴻典。永憂未躬。故琴瑟徒鳴。不傳

廣樂之響。燈燼空舉。焉續景星之耀。何則。卓乎
小者。不足以任大。守于蔽者。不可以語通。臣器
乏淵源。識暗機務。倫濟夷險。每憑璿厯之遠。龕
拆氛蜺。輒資羣才之効。臣甯有採奇鑒隱之能。
網國提民之功乎。不謂過延渥洽。謬攀河漢榮
宗。葢芬寵華。晬映藉聲。探議共知其幸。况傳保
之崇。殷周特貴。牧司之寄。魏晉稱重。上昭妙德。
次擬英勲。有踰茲序。豈不紊裂。今陛下方闢金
門之聽。調繡展之政。何得去禮廢雅。近於臣始。

旣無前章孰表後世臣才孤位峻待罪無日矣
情哀理感事盡於斯伏願一運天景微見藿心
則物不逃形臣何恨焉不勝焦憂狼狽之至

爲蕭太傅謝追贈父祖表

臣公言即日兼謁者僕射姓名奉宣詔書追贈
臣亡祖某太常卿亡父某爲散騎常侍特進左
光祿大夫寵輝泉扃恩凝松石奉渥銘心祇光
慟慮臣行阻祇立躬早荼棘如創之痛晷日不
追終身之恤霜露彌感雖慙曾輿喬木之敬實

抱仲路華轂之哀。自謬藉珪金。空貽組紱。爵侈
於公。祿盈於私。何嘗不靜歆其結。默慕交深。不
悟睿孝動天。昭性曠古。惠被遠紀。澤演慶世。丹
情靡諒。峻冊愈凝。大榮集身。尚驚異施。况寵洽
山柏。特振殊造。銷骨瀝命。猶不勝謝。不任鯁泗
荷珮之誠。

爲蕭讓劔履殊禮表

臣公言。近仰謁威靈。辭移理奪。故欲冒忝傳識。
必避殊禮。不悟復疑。令詔雕飾。非常鏡睇。未周。

金火交慮。臣聞寵以昭賢。不濫才外之華。榮以麗身。豈謀分表之渥。哲后所以僉授。貞臣所以慎荷。故行珪行玉。尚無輕頒。一爵一號。猶宜詳品。况劒舄升陛。贊唱異儀。殆爲對越神體。抗禮天極。漢魏舊載。唯斯稱重。雖英袞遙朝。賢武滿世。蒙此典者。乃曠古時降耳。諒由功饒賞結。名高器深。金蟬綠綬。未足藹其采。瓊珮朱紱。不足宣其榮。方加以履殿。優以勿趨。雖至第爲上公。貴爲皇王。伫望茲禮。猶邈如也。臣何燁業寵兼。

昔人受以懼覆悔豈有及復聞殊旨增其憂迨
抱此愚欸以實爲請伏願天鑒順臣所守則雖
歿九幽傳榮萬葉矣

爲蕭太傅讓前部羽葆鼓吹表

臣聞國容軍禮旌羽昭其華品騎第乘鸞韉藹
其飾所以炎耀仙都崇麗神境世教以之垂彩
民聽以之流文故勒岫銘海之功鞞革寫其詠
龕難夷邦之業簫管凝其聲朱鷺玄雲旣錫上
德華山芳樹以頒奇勲爰及台賢位高藩戚名

汾恩炤寵垂私賞皆爲發吹後陣。豈曰兼奏前
軒。茲典罕行此禮實曠臣竊服已弘叨光無限
才局秩遠常銜炯耀安可二葆同整雙弄頓驚
覽躬惕然特貽厚謬伏願明燦日月靡忘情鑒
將停盛飾遂臣慊心則涵惠旣饒恭錫多矣

爲蕭太傅謝輿駕親幸表

臣公言近以神輿將降昌啓丹辭重被還旨未
垂闔允謙尊彌光褒優愈臨慙疚旣積敢忘謙
請臣乘幸藉私豈曰無僭攀霞鏡月非復常所

此必讓德信在於茲。但恩嚴交洎。固守莫從。免
默恭典。伊榮加戚。甯容爰枉鸞駕。式驚臣府。訪
心驗已。諒以不夷。求物校迹。誓無此義。且古今
異飾。紫青變禮。取諸臣躬。未覲其安。伏願陛下
賜止冕輅。時停雲駕。則俗踐知方。臣蹈厚泰。

謝開府辟召表

臣公言近被詔旨。賜令臣府自辟僚賢。竊聞治
以才爲寶。教以人爲貴。激風揚蕤。實資山東之
英。凝華重馥。良在關西之彥。近以闡耀世經。發

麗朝序而州策郡聘。茲禮尚堙。台召鉉辟。斯文
亟曖。豈非盛美難嗣。故曠寂先芬者哉。臣謬贊
國機。職宜冰鑒。未能澄形炤藝。薦品任官。旣乖
覆業。彌感深寄。仰屬皇心。遙覃察政。洞俗弘此
懿典。崇臣遠寵。輒仰睿恩。謹宣巖壑。庶幽居之
士。蘿薜可卷。奇武異文。無絕於古。

爲蕭上銅鐘芝草衆瑞表

臣公言臣聞象際立通。豈以明昧。岨運幽崖。遙
鏡不以人靈異謀。威書壁誥。旣信其綵。綠鱗丹

享彌驗其文。是以業藹鴻經，則煙露呈炤精。昭
景緯，則川岳發華。故寶鼎白雲，瑞集軒世。芝房
赤鴈，祥委漢年。玄石鴻鐘，遠炳晉室。玉璧彝器，
近耀皇宗。自大明乘規，泰始疊矩。朱髻素毳之
至，史不絕書。奇葉珍柯之獻，府無虛月。今懋歷
啓圖，靈基再固。頃歲以來，禎應四塞。近獲豫州
刺史劉懷珍解稱，所統建甯郡建甯縣昌村民
於萬山中採藥，忽聞異響。從石上得銅鐘一枚，
長二尺一寸，遠象古鑄。近乖今製，又州界之內。

樹生連理二木、隔澗、滕枝相通、越壑跨水、合爲一榦、方之舊說、彌復爲貴、宣城所統臨城縣山中獲草一株、交柯攢莖、紫葢黃裏、貞潤晔晔、自然天華、採輟歷時、質色不變、
炳據有徵

近獲吳興太守臣王奐云十一月二十九日解所統長城縣令臣張撝解稱其月二十五日甘露降縣東界下山之陰、又東太守臣腦解所統武進令臣紀法宗云十一月十日解稱其月二十四日甘露降於彭山松樹、至九日又降如初

臣以祥緯雜沓、星燭波連、斯乃靈迹深覃、睿衷
負感、理應寫順、祇無涵、秘、稽、往、徵、古、僉、欣、升、泰、
瑤光日闡、玉繩永休、謹拜表遣兼長史參軍臣
姓名奉銅鐘芝草以聞、

爲蕭讓太傅相國齊公十郡九錫表

非常之冊、分天而降、冠古之典、開河而出、遙然
以慙、覓交象、魏臣聞日月權輿、二儀所以克靈、
君臣設極、三統所以式固、惟生與位、謂之大寶、
辨諸文而尊卑既炳、觀羣龍而貴賤可正、雖復

殷因於夏、王資於帝、至乎建侯分職、體國經野、其揆一焉。是以二周之始、山河逾廣、兩漢之初、封賞彌盛。然表東海者、實牧野之日。瞻魯邦者、乃負圖之辰。西都英相、信命世之功。關中上宰、亦龕亂之力。秬鬯彤弓、本西伯之賞。虎賁戎路、又晉公之典。若乃衣裳盟會、尤合一匡。猶慙德斯禮也。臣實鄙才、靡識大體。徒以忠貞爲槩、而勞不足銘。雖以丹素爲誠、而功無可勒。豈有經天緯地之略、探隱炤寂之智哉。抑亦何術以堪。

盛休是以覽雲際而懷古。憑軒楫而未宣也。伏惟陛下神華馭世。理無不鏡。賜臣待謫。今職守其私。滿則天下有道。庶人不疑矣。

爲蕭讓九錫第二表

臣公言。臣近厲心罄辭。寫情畢議。眇望神藻。鑒見丹襟。而帝闈以秘。綸誥方明。中外卷容。左右軫慮。臣以爲麗天秉經。君上之彝憲。儀地執緯。臣下之恒軌。故皇極載凝。庶士交慎。昔者重黎効官。裁居炎冥之職。義叔能任。方掌日月之序。

至乎御龍勤夏。未聞冠俗之爵。大彭翼商。豈見
超世之典。以古先哲后。如茲之慎賞也。臣乃謬
貽國寄。志在靖難。若夫野戰虹蜺。伏順者易爲
威。城攻鯨虺。奉國者理必全。雲氣薄蝕。下民咸
貴。更明恃險。輿馬舟中。皆可異議。故昌邑有歸
邸。吳楚無旋師。斯激芬楊。蕤物同其幸。焚惡去
醜。世其其庇。實爲仰憑俯順之効。臣亦何力之
有焉。竊謂祿爲十郡。必俟禹迹之勤。錫以九命。
乃須周公之美。况呂梁不鑿。而器重立珪。越裳

未獻而賦擬千乘。京關識其崇貴。畿服知其忝
冒。鏡前修而慙形。覲往德而聳慮。畏崖之請。取
譬深水。審量之祈。呈炤皦景。伏願陛下遠率雄
範。近覽英規。憑霞停詔。臨風輟恩。豈伊愚臣。方
被昌化。具日遺氓。咸蒙其賴矣。

爲蕭謝百僚敦勸表

臣公言臣欵誠素履。頻載縑翰。天飾高獎。累降
史筆。即日尚書臣某等至重宣詔。旨猥辱百僚。
省睇未交。心靈已悸。臣聞良宰謀朝。不必惜威。

貞臣衛主。修已則足。故驕滿之失。取鏡函關。謙
側之美。見炤伊闕。臣本庸人。識無遠度。值開闢
之辰。遭撓捨之運。奸回內興。則戮力瓊都。諸侯
放命。則抗節瑤祀。秉號仗義。幸不辱威。皆爲冕
旒遙鑒之明。羣士畫圖之助。臣甯望伊摯叔旦
之爵。呂牙申甫之賞哉。方欲謝簪東都。濯冠汾
陽。不悟盛禮華典。復臻於茲。靜默迴環。祇畏躑
躑。猶謂遇聰明之朝。當時雍之世。陛下詠堯風
之化。歌卿雲之詩。日月華采。萬方獲性。疊慮仰

祈必蒙題品。而威嚴竊絕。斯冀遂阻。鑾輿玉駕。復許敦幸。重臣愆悔。無地自安。便當謹恭鴻命。竭身爲限。

蕭相國讓進爵爲王表

臣結慮歸請。三辰未鏡。傾竄仰視。九天彌阻。重炳徽策。再晰光誥。理晦情震。若涉嚴淵。臣業不出世。績未逮古。謬藉明政。陳力就列。艱多智寡。翊贊罔樹。若乃洪範不脩。鍾綬旒之日。九黎亂政。當摧軸之辰。雖歷命奉時。禍提下亟。防明之

陋。貽慙昔人。杜險之蔽。取愧前英。故十萬之師。
無集橐街之邸。千金之貴。恒單白藏之府。戈船
發於江湖。戎車出於石城。然後雲徹席卷。虔劉
巨禍。臣實慙焉。不悟上賞亟降。華爵必集。雖延
首紫局。翹意辰居。執爲守約之志。旣謝簡鑒。避
賢辭智之請。終無開允。故受任專征。遠邇知寵。
肇封四履。侯甸推禮。昔虞思勤夏。不列殊物之
錫。晉叔匡周。豈頒上公之典。燕藩懿親。裁蒙袞
烏之榮。梁國戚屬。方忝旌旗之貴。而臣包括庶

揆、物、惣、納、儀、刑、蓋、出、近、古、非、三、代、之、遠、體、也、乃、踰、
九、命、爰、超、五、等、域、中、之、稱、麗、天、作、則、探、情、顧、抱、
豈、所、允、安、者、哉、伏、願、陛、下、一、檢、丹、崖、遂、臣、慊、心、
無、使、怵、迫、深、貽、疵、戾、

爲蕭相國拜齊王表

臣、無、佐、夏、匡、殷、之、功、威、晉、服、楚、之、績、業、不、題、於、
宗、器、聲、靡、記、於、彝、典、而、超、居、上、禮、邈、乘、峻、爵、靜、
念、隆、替、焦、原、非、譬、臣、以、爲、衆、官、咸、事、帝、謨、所、以、
式、序、羣、后、克、讓、王、猷、所、以、載、穆、况、臣、訪、德、語、勤、

未洎伊稷之能、藉靈懷寵、仍濫周邵之秩、故駐
冤仰請、瀝意歸聞、理竭素牒、事罄丹史、具微太
微、備簡玉繩、而才輶志淺、隔景絕照、朱輪之使、
日月亟紆、金鸞之尊、旦夕將拂、巡情覽識、豈伊
甯處、今便肅典內軒、恭服外屏、大夫有命、古或
無違、王假有廟、今臣爲叨三省空懦、震據于心、
爲齊王謝冕旒諸法物表

臣王言以軒冕雲蹕、旣非常之飾、宮懸玉戚、乃
配天之禮、故呈襟効慮、必期蠲亮、重被還旨、芳

訊愈越鏡伏殊私情影遠震昔大啓營邱未脩
樹羽之賞。光宅曲阜。始兼龍旂之貴。况道狹慶
隆。身薄器尊。粉繡爭輝。藻火競耀。夫太常圖列
星之采。華蓋觀古人之情。所以聳絕百縣。崇隔
萬寓。鳳閣因此而神。瓊都由茲而麗。故醜功慙
德。違議避榮。誠不遙乎。理無賈達。遂貽器誥。爰
斷辭表。驚慄遲迴。祈鑒何地。便當肅對王休。敬
昭異寵。佩服盛文。以慨以懼。

爲齊王讓禪表

陛下遠規唐虞永揖之典。近慕漢魏高謝之禮。
旣覽金水昏明之數。又協雲雷隆替之徵。激風
太上。扇采至公。聞命驚爽。心靈殞越。臣聞天地
草昧。而樹之君。所以平對二儀。顯臨萬國。膺符
受歷。惣明司幽。軒轅陟祈。首出庶物。顓頊登庸。
作爲民紀。雖五德迭興。十代繼運。非賢非睿。莫
預斯位。若乃與能之交。禪錫之會。豈伊虛薄。所
可遵擬。昔傳巖佐商。秩終上公。磻溪翼周。名極
列伯。臣才非牛古。功愧逮聖。猷訟不往。謳歌甯

歸河乏馬圖之寶。天無乘龍之錫。元首股肱。誓不可異。而曠乘之軌。忽臻於茲。慙慨憂灼。罔識其際。伏願陛下遺舜禹之心。臣守巢由之節。則道耀日月。澤浸飛泳。聲振開闢。仁動今古。四三王而六五帝。不亦休哉。

章

爲建平王拜右衛將軍荊州刺史章

珪冊停徽、車旗寫曜、襲禮炫衷、迎恩震色、臣聞
爵以能委、命以績降、亦有玄雲結吹、裊成燠之
厚、朱箱累轍、崇試宰之高、而臣組組頒守、要玉
備政、績廢江區、聲隘河部、浮榮曠年、叨光賒日、
諒以具察輿歌、取鏡民誚、不悟皇德至凝、亭物
帷幄、復使承官、楚封祗秩、漳土任班、河冀事亞
嶠、陝橫術輻、湊殷民訟、積甯曰明哲、疇克勝寄

雖歷丹局終懼蒙咎不任銘戴匪處之情

爲始安王拜征虜將軍南兖州刺史章

絢服騰炤懋冊凝芬夤對迷墜慙泣交集臣職
右南陽謝蒲鞭之政任重臨淄無遣獄之化自
分金帝闕參風尹訟璧緯裁復圭露詎淹不悟
旻靈拂采霄景汰色復交書河楚置傳江吳環
章清潤旂文肅路寵艷內維榮炫外圍方梗名
慮有陋莛識冲生醜氣安以輸謝不勝荒震屏
營之情

爲始安王拜征虜將軍丹陽尹章

旣耀軒禮、涵蕤龔恩、爽泗覲默、臣少識猶晦、哀
辛方襲、藉以毓采上霄、搏華中漢、飲惠延光、倘
爵假息、不悟瑤離降映、繩河低交、遂翊言關禁、
徙第京部、進憲蒙淺、塵素徒盈、還迷懷悚、風製
罔樹、循伏憂歛、滅慮焦衷、不勝荷佩之情。

爲建平王慶少帝登祚章

上書皇帝陛下、伏承肇嗣天震、雲飛璿極、戎夏
歸服、民靈以戴、臣聞黃旗紆藻、瑞益於姬、帝紫

雲垂蓋効異於劉后實乃深賜天衷廣映祗迹
伏惟陛下騫英駕聖涵靈縱睿矩心明裁繩道
喆時遙裔維符雜沓河紀是以膺符寶宮輯命
珍殿誼洗雲密德徽嫺夏濬發鴻原長褊偉業
方絢聲金圖騰華玉厯波淦下氓炎躔上漢臣
泐莠締寵誠兼親屏禮升之日守官楚甸不獲
勉躬儲外奉顙行間蒐泣江郊心泣京國不任
悲仰哽慰之情

爲建平王慶王太后正位章

上書王太后殿下伏承以今日淑辰曾光樞景
慶芬祗外禮蔚寰中臣聞道懋第昌業廣祉盛
藻秩攸臻憲章斯飾伏惟殿下柔明固天夙資
龔懿芬惠翔聲端簡散譽冠采摯姪騰耀徽妣
丹陵蘊德玄丘棲聖煙煴國牒衍溢民聽涵道
席教且詠且洽臣忝任蕃圉無由隨例闕廷不
勝荒情

爲建平王慶江皇后正位章

上書皇后殿下伏承以嘉月蕙時膺曜宸正翠

珩炤品。瑜組在飾。休遍函夏。譽殷靈昧。伏惟殿
下岳曜靜德。式懷謙順。升降圖傳。左右詩史。夙
鏡茂資。早摘芳訓。故以騰馥秘閨。寫問中帷。今
靈緯載升。崇正輝典。衍教紫庭。麗軌華屋。聲激
綺組。風偃家邦。黎立湊仁。雲祗宅慶。遠邇有聞。
莫不傾渥。臣限外任。無由恭列軒屏。不勝荒情。
爲蕭領軍拜侍中刺史章

上書皇帝陛下。即日詔書。以臣爲侍中。驃騎大
將軍。開府儀同三司。班劍三十人。等持節都督。

如故峻命在庭。光冊克軒。虹驂聳服。朱轡佇益。
寅對以懷。心影若傾。臣功乏至道。不足以題象。
魏績非振民。無可以書廟閣。半漏未晏。中鐘而
驚。實忌微庸。起乘盛服。竊疑國寵。頓萃末躬。今
寰海順典。瓊都咸光。調御惟新。鎔製就始。良宜
整變獻經。詮明典緯。九河式耀。三辰載晰。不悟
陛下皇靈曲溢。大賚斯降。而鴻賞之行。廼於臣
始。非所以騰振遙風。激昂品流。輿人之誦。具聞
其黷。頻露慊祈。未叨鑒順。今便虔禮青軒。謹躬

丹墀憂符怵惕。慙屬兼軫。不任屏營之情。

爲蕭拜太尉揚州牧章

玄文旣降。雕牒增輝。禮謁前英。寵華昔典。仰震威容。俯慙陋識。心竄戰慄。若殞若殯。臣景能驗。才無假外鏡。撰已練志。久惻內涯。故讓不飾迹。辭非謙距。寸亮尺素。頻觸瑤纈。丹情實理。備塵珠冕。而神居寂阻。九重嚴絕。徒懷漢臣伏闕之誠。曾無魯人迴日之感。所以迴懼鴻威。後奔殊令者也。旣而永鑒隆魏。緬思宏晉。國之大政。在

功與位。故治民紐亂。不處與臺之下。去勲捨德。
甯班、袞司之上。咸以休對性業。裁成器靈。詎有
稊風變範。尅耀倫序者乎。臣績不炤朝。忠豈宜
國。名爵赫曦。僊俛優忝。陛下久超異禮之榮。越
次殊常之秩。雖寢寐矜戰。曲垂哀亮。而璽冊冲
正。愈賜砥礪。今便肅順天誥。恭聞睿典。審躬酌
私。必跋危撓將。恐民俗由此方擾。軌訓以之交
蕪。臣豈不勉智罄忠。未知所以報奉淵聖。輸感
霄極。取諸微躬。長爲慙荷。

爲蕭拜相國齊公十郡九錫章

殊命寶典、鬱降雲天、采詔綺軒、光流城禦、震驚
華禮、神氣交越、臣才謝深英、氣慙遠度、進寡兵
車、召陵之盟、退靡朝歌、河內之會、無束馬山戎
之績、懸車流沙之功、故望寵未安、踐榮加懼、况
納陛朱戶、事絕羣班、金璽綠綬、儀參鴻典、聞命
屏營、以憂以墜、近申微款、日月之鑒、旣阻、方懼
難懷、蘭芳之旨、愈峻、遂致百辟卿后、踟躕於衛
闕、鑿輅旗旂、方幸於臣府、悵然遙慮、將貽厚戾

文章徒單、迄無蠲省、而天威咫尺、丹懷罔固、輒
肅恭文物、翹拜榮禮、違距以深、追憎怵迫、德輶
寵盛、於斯爲微、非臣鄙處、所能酬對

江醴陽集

卷一

全

符

尚書符

侍御史大夫、尊冠賤履、君臣斯位、愛順惡逆、成
敗可曉、未有憑凌我江郊、侵軼我河縣、而不流
冤漂骨、丹宗血祀者也、沈攸之寂寥無聞、起自
甲卒、邀我百戰之軍、乘彼一捷之幸、鑄山裂地、
紉紫要金、擁旗藩伯、便無北面之禮、受符方屏、
即有專征之釁、箕賦深歛、毒被南郢、枉墨矯繩、
害著西荆、鬼怪其性、故從始而遂終、狼戾其志、

乃公少而得老。山陵不奔，移殃爲慶，踐祚無賀。
按劍稱予，遂乃關馳逆書，亭炤妖火。此而可賒。
孰不可宥。今遣陳承叔、彭文之等，敢勁三萬，前
驅電躍。呂安國、任侯伯、垣崇祖、曹虎頭等，樓艦
五萬，射蛟中流。荀元賓、郭文孝、程隱雋等，輕舸
二萬，高旗蔽日。周盤龍、張文嘉、薛道淵等，鐵馬
五千，龍驤後陣。凡此諸帥，莫不氣薄日月，情變
虹蜺。或飲羽石梁，或超踰亭樓，索鐵拔距，孤視
萬旅。顧眄則前後生風，喑鳴則左右激電。然

鑾戎薄臨，驍虎百萬。六軍徐軌，五輅遲旃。丹艦
發炤，素甲生波。樓煩白羽，投鞍成岳。漁陽黑騎，
浴鐵爲雲。於是高山與深谷共湮，紫芝與白艾
同滅。不亦惜乎？符至之日，幸加三省。其驅逼寢
手之人，鋒陣塢壁之主。若有投命軍門，一無所
問。或能因罪立績，賞不示私。斬祛射袂，唯功是
與。購募之科，具列如上。信如白水，皦然無二。臺
明詳旨，飛火普加。宣下文書，千里馳驛。

以行前飛火音微記下文書字出顯
與相慕之林具以候土計收白水燬於
同其地因異立靜置不示以傳蘇穆蘇
十之入教朝謝聖文主若成其命軍門一
因越不亦謂平終生之日幸也三省其
命雖為雲然其南山與劉公共國漢書
對以素甲坐與謝公白水新鄉河岳



